



全水經注

ル 5
134
2





口
134
也

水經注第三

范陽酈道元注

鄞全祖望校

布政使銜浙江甯紹台兵備道無錫薛福成校刊

河水三

又北過北地富平縣西

案今黃吳朱三本皆作河水又北云云河水二字羨文也

河側有兩山相對水出其間即上河峽谷

案諸本皆脫谷字以

宋本補○今案戴趙本有也字無谷字

世謂之為青山峽

案諸本皆脫峽字以宋本

補○今依戴趙並依增河水歷峽北注枝分東出河水又北逕

富平縣故城西

今案此十一字改經為注戴趙同

秦置北部都尉治縣城

案本志北地北部都尉治富平之神泉障則非縣城

也○梓材案此自重校本錄入王莽名郡為威戎縣曰特戎

案戎一本

全校本經注

卷三 河水三

一

案戴趙本經改持武作武持一本本作持○今建武中曹鳳字仲理為北

地太守政化尤異黃龍應於九里谷高岡亭角長

三尺案尺一本作丈大十圍梢至十餘丈天子嘉之賜帛

百匹加秩中二千石案鳳即興屯田於金城者

河水又北逕薄骨律鎮城胡渭曰諸本脫逕字○案

其酈氏附益之經與不知是條上下文皆注也以是

知王氏所見已屬經注互溷之本○今案此句改經

為注戴趙同惟城今案戴在河堵上赫連果城也桑果餘林仍列

洲上但語出戎方不究城名訪諸耆舊咸言故老

宿彥云案五字赫連之世有駿馬死此取馬色以

為邑號故目城為白口騶韻之謬朱謀埠曰韻下

案趙有仍今稱所未詳也

河水又今案趙逕方今案趙有朔弘靜鎮今案戴無典

農城東案太平寰宇記所引文有弘靜鎮三字

世謂之胡城

又北逕上河城東

世謂之漢城辭瓚曰上河在西河富平縣即此也

馮參為上河典農都尉所治也

河水又北逕典農城東案周嬰曰漢百官表農都尉

為上河農都尉漢官儀亦曰農都尉太平御覽引魏

畧曹氏始置典農中郎將都尉校尉水經及注作典

農非也范史梁統傳作典農亦誤也周氏之辨覈矣然典農城北典農城二條本非經文則固未之知也近見何焯之言畧與周同亦未能知經注之淵案太平寰宇記保靜縣下引此文曰河水又東逕弘靜鎮典農城東弘靜乃拓跋魏所置鎮也然則此條蓋與上薄骨律鎮城之文一例今本脫佚耳安得以為經也但不應稱馮參為典農則周氏何氏之說亦道元之諍友也○今案此九字改經為注戴趙同

俗名之為呂城皆參所屯以事農眊

河水又東北逕廉縣故城東今案此十一字改經為注戴趙同

王莽之西河亭地理志曰卑移山在西北

河水又北與枝津合今案此八字改經為注戴趙同水受大河東北

逕富平城所在分裂以溉田圃北流入河今無水爾

雅曰灘反入言河決復入者也河之有灘若漢之有

潛也河水又東北逕渾懷障西今案此十字改經為注戴趙同

地理志今案趙有日字渾懷都尉治塞外者也太和初三

齊平徙厯下民居此遂有厯城之名矣南去北地

三百里

河水又東北逕今案戴趙並作厯石崖山西今案此十字改經為注戴趙同

去北地五百里山石之上自然有文盡若獸馬之

狀案獸本是虎唐人避諱改之○此重校本○今案戴本徑改虎粲然成著類似

圖焉故亦謂之畫石山也

又北過朔方臨戎縣西

河水東北逕三封縣故城東

漢武帝元狩三年置十三州志曰在臨戎縣西一

今案戴百四今案趙十里

河水又北逕臨戎縣故城西今案此十一字改經為注戴趙同

元朔今案趙本元五年立舊朔方郡治案前志朔方郡首三

封閭若璩曰臨戎乃東漢朔方治○此重校本王莽之所謂推武也

河水又北有枝渠東出謂之銅口東逕沃野縣故城

南案諸本皆脫縣字○今案此二十一字改經為注戴趙同

漢武帝元狩三年立王莽之綏武也枝渠東注以

溉田所謂智通在我矣

河水又北屈而為今案趙本有南河出焉案出焉二字疑衍

河水又北迤西溢于窳渾縣故城東今案此條改經為注戴趙同

漢武帝元朔二年開朔方郡今案趙有以字縣即今案趙

西部都尉治案今本作朔方郡治又有西部都尉治誤也漢之守尉不同城而窳渾亦

非首縣也此必不學之人見此處有斷脫而有道妄填之今據漢志改正○今案戴亦依改

自縣西北出雞鹿塞王莽更郡曰溝搜縣曰極武

其水積而為屠申澤澤東西一今案戴無此字百二十里故

地理志曰屠申澤在縣東即是澤也闕駟謂之窳渾

澤矣

屈從縣北東今案趙無此字流今案此六字改注為經戴趙同

河水又屈而東流為北河今案此下戴有漢武帝元朔二年大將軍衛青絕梓

嶺梁北河是也二十字東逕高關南今案此十五字改經為注戴趙同又下五字戴移在

北河是也之下

史記趙武靈王既襲胡服自代並陰山下至高關

為塞山下有長城長城之際連山刺天其山中斷

兩崖雙闕峩然今案戴雲舉案峩然二字朱謀埠

校望若闕焉即狀表目故有高闕之名也自闕北

出荒中闕口有城跨山結局謂之高關戍上今案

自古迄今常置重捍以防塞道漢元朔四年衛青

將十萬人敗右賢王於高關即此處也

河水又東逕臨河縣故城北

漢武帝元朔三年封代恭王子劉賢為侯國案漢

方等邊郡不以封且朔方以元朔二年開而三年

即是以封何匆匆也竊疑代恭王子皆封西河則此

或是西河之臨水王莽之監河也漢武帝元朔二

年大將軍衛青絕梓嶺梁北河是也今案此十二

而接以東逕高關南五字

至河目縣西今案此五字改注為經戴趙同

河水自臨河縣東逕陽山南今案此十一字改

漢書注曰陽山在西北指此山也

東流逕石跡阜西

是阜破石之文悉有鹿馬之跡故斯阜納稱焉今

戴作故納
斯稱焉

南屈逕河目縣左歷北假

案先宗伯公本有歷字董
燧本同。今案戴趙均作

在北
假中

地名也自高闕以東夾山帶河陽山以西

今案戴
作往

皆北假也史記曰秦使蒙恬將十萬人北擊胡度

河取高闕據陽山北假中是也

北河又南合南河南河

今案趙本
無此二字

上承西河

太平寰
宇記曰

河自靈武郡之西南便北流千餘里過九原郡乃東
流時帝都在秦故謂之西河其河自豐州東流千里
在京師直北故亦謂
之北河。此重校本
東逕臨戎縣故城北又東逕臨
河縣南又東逕廣牧縣故城北

東部都尉治王莽之鹽官也

逕流二百許里東會于河河水又南逕馬陰山西

今案

此十九字改經
為注戴趙同

漢書音義曰陽山在河北陰山在河南謂是山也

而即實不在河南史記音義曰五原安陽縣北有

馬陰山今山在縣北言陰山在河南又傳疑之非

也余案南河北河及安陽縣以南悉沙阜耳無他

異山故廣志曰朔方郡北移沙七所而無山以擬

之是義志之僻也陰山在河東南則可矣

河水又東南逕朔方郡故城東北

今案此十三字改
經為注戴趙同

詩所謂城彼朔方也漢元朔二年大將軍衛青取
 河南地為朔方郡使校尉蘇建築朔方城即此城
 也王莽以為武符者也案地理志云金連鹽澤青
 鹽澤並在縣南矣又案魏土地記曰縣有大鹽池
 其鹽大而青白名曰青鹽又名戎鹽入藥分漢置
 典鹽官今案趙作官鹽池去平城宮千二百里在新秦之
 中服虔曰新秦地名在北方千里如淳曰長安以
 北朔方以南也薛瓚曰秦逐匈奴收河南地徙民
 以實之謂之新秦也案太平寰宇記朔方縣下引注文曰縣有濠水合金河而南流初學記所引則曰朔方有濠水紫河今本無之後魏書道武帝擊劉衛辰自五原金津濟河金

津即金河之津也

屈南過五原西安陽縣南

案此條是經文而諸本反瀕入前條之注。今案戴趙並

依此作經

河水自朔方東轉逕渠搜縣故城北

今案此十四字改經為注戴趙

同

地理志

今案趙本有日字

朔方有渠搜縣中部都尉治王

莽之溝搜亭也禮三朝記曰北發渠搜南撫交阯

此舉北對南

孫潛曰舉或誤作與

禹貢之所云析支渠搜矣

案胡渭曰傅同叔云漢朔方之渠搜非禹貢之渠搜禹貢所指亦是金城以西之戎後世種落遷徙故或居朔方若禹時已居朔方尚待浮積石平陸氏以漢志說禹貢非也渭案禮三朝記以交阯與

渠搜對舉則不在朔方可知涼土異物志曰渠搜在大宛北隋西域傳曰發汗國古渠搜也

河水又東今案趙無此字逕西安陽縣故城南

王莽更之曰漳安矣

河水又今案趙無此字東逕田辟城南案辟讀壁

地理志曰故西部都尉治也

屈東過九原縣南案此條是經文而諸本反溷入前條之注。今案戴趙並依此作經

河水又東逕成宜縣故城南今案此十一字改經為注戴趙同

王莽更曰艾虜也案師古曰艾讀曰刈

河水又東逕原亭城南案今本漢志作原高。今案此九字改經為注戴趙同

關駟十三州曰中部都尉治案此條乃班志本注亦關語

河水又東逕宜梁縣今案戴趙有之字故城南今案此條改經為注戴趙同

關駟曰五原西南六十里今世謂之石崖城案通典曰

河自靈武西南便北流千餘里過九原乃東流此重校本

河水又東逕稠陽城南今案此九字改經為注戴趙同

東部都尉治案稠陽城是東部都尉所治城非稠陽縣城其都尉所治城乃

塞上城此重校本

又今案趙有東字逕河陰縣故城北又東逕九原縣故城南

秦始皇置九原郡治此漢武帝元朔二年更名五

原也王莽之獲降郡成平縣矣西北接對一城蓋

五原縣之故城也王莽之填河亭也竹書紀年云

今案戴無此字魏襄王十七年邯鄲命吏大夫奴遷於九

原又命將軍大夫適子伐吏皆貂服矣案伐吏當

服當作貉服吳師道注國策強為貂字作解非也或以伐為代亦非也○趙氏朱箋刊誤引全氏語

又云貉服即胡服也北方豸種曰貉○其城南面

長河北背連山秦始皇逐匈奴並河以東屬之陶

今案戴作陰山築亭障為河上塞徐廣史記音義曰陶

山在五原北即此山也案今史記本文及徐廣注皆作陰山○此重校本

秦始皇二十四年案史記乃三十三年○今起自

臨洮東暨遼海西並陰山築長城及開南越地晝

警夜作民勞怨苦故楊泉物理論曰秦始皇使蒙

恬築長城死者相屬民歌曰生男慎勿舉生女哺

用舖不見長城下尸骸相支拄其冤痛如此矣蒙

恬臨死曰夫起臨洮屬遼東城塹萬餘里不能不

絕地脈此固當死也

又東過臨沃縣南

王莽之振武也

河水又東枝津出焉河水又東流石門水南注之今

此十九字改經為注戴趙同水出石門山地理志曰北出石門障

即此山也西北趣光祿城

甘露三年呼韓邪單于還詔遣長樂衛尉高昌侯董忠車騎都尉韓昌等將萬六千騎送單于居幕南保光祿徐自為所築城也故城得其名焉城東北即懷朔鎮城也

其水自障東南流逕臨沃城東東南注于河河水又東逕邕陽縣故城南今案此十一字改經為注戴趙同

王莽之固陽也

地理志曰自縣北出石門漳河水決其西南隅又東南枝津注焉水上承大河于臨沃縣東流七十里北漑田南流二十里注于河河水又東逕塞泉城南而

東注今案此十二字改經為注戴趙同

又東過雲中楨陵縣南又東過沙陵縣北從縣東屈南過沙陵縣西

大河東逕咸陽縣故城南王莽之賁武也

河水屈而西流案諸本皆脫西字○今案戴趙亦無此字白渠水注之此二句改經為注戴趙同水出塞外西逕定襄武進縣故城北西部都尉治王莽更曰今案趙作名伐蠻世祖建武中封趙慮為侯國也

白渠水西北逕成樂城今案趙北城一作固○此重校本

郡國志曰成樂故屬定襄也魏土地記曰雲中城東八十里有成樂城今雲中郡治一名石盧城也

白渠水又西逕魏雲中宮南

魏土地記曰雲中宮在雲中縣故城東四十里

白渠水又西南逕雲中

今案趙有縣字故城南

故趙地虞氏記云趙武侯自五原河曲築長城東至陰山又於河西造大城一箱崩不就乃改卜陰山河曲而禱焉晝見羣鵠遊於雲中徘徊經日見大光在其下武侯曰此爲我乎乃卽於其處築城今雲中城是也秦始皇王十三年立雲中郡王莽更

郡曰受降

流俗本脫此句○今案趙本仍脫戴依全增

縣曰遠服矣

白渠水又西北逕沙陵縣故城南

王莽之希恩縣也

其水西注沙陵湖又有荒

今案戴作芒下同

干水出塞口

荒

干水見漢志諸本作芒于謬矣○今案趙本依改

南逕鍾山

山卽陰山故郎中侯應言於漢曰陰山東西千餘里單于之苑囿也自孝武出師攘之於漠北匈奴失陰山過之未嘗不哭謂此山也

其水西南逕武臯縣

王莽之永武也

又南逕原陽縣故城西又西南與武泉水合其水東出武泉縣之故城西南

縣卽王莽之所謂順泉者也

水南流又西屈逕北輿縣故城南

案地理志今案趙有曰字五原有南輿縣王莽之南利也

故此加北舊中部都尉治十三州志曰廣陵有輿故此加北疑太疏遠也

其水又西南入荒干水荒干水又今案趙本無此四字西南逕

白道南谷口

有城在右孫潛曰今本作紫今案趙作側帶長城背山

面澤謂之白道城自城北出有高阪謂之白道嶺

沿路唯土穴出泉挹之不窮余每讀琴操見琴愼

相和雅歌錄云飲馬長城窟及其坂今案戴作跋陟斯

途遠懷古事始知信矣非虛言也顧瞻左右山椒

之上有垣若頽基焉沿谿互嶺東西無極疑趙武

靈王之所築也

荒干水又西南逕雲中城北白道中谿水注之水發

源武川北塞中其水南流逕武川鎮城

城以景明中築以禦北狄矣案沈炳巽曰景明是宋少帝年號愚謂非

也善長豈用南朝之年乎是魏世祖年號

其水西南流歷谷逕魏帝行宮東

世謂之阿計頭殿宮城在白道嶺北阜上其城員角而不方四門列觀城內唯臺殿而已

其水又西南歷中谿出山西南流于雲中城北南注

荒干水荒干水又今案趙西今案趙塞今案趙水出無此字

今案趙無此二字懷朔鎮東北荒中南流逕廣德殿西山下

余以太和十八年從高祖北巡屆於陰山之講武

臺臺之東有高祖講武碑碑文是中書郎高聰之

辭也自臺西出南上山山無樹木唯童阜耳即廣

德殿所在也其殿四柱今案戴兩廡堂宇綺井圖作注

畫奇禽異獸之象殿之西北便得焜煌堂雕楹鏤

桷取狀古之溫室也其時帝幸龍荒遊鸞朔北南

秦王仇池楊難當捨蕃委誠重譯拜闕陛見之所

也故殿以廣德為名魏太平真君三年刻石樹碑

勒宣時事碑頌曰肅清帝道振攝四荒有蠻有戎

自彼氏羌無思不服重譯稽顙恂恂南秦斂斂推

亡峩峩廣德奕奕焜煌侍中司徒東郡公崔浩之

辭也碑陰題宣城公李孝伯尚書盧遐等從臣姓

名若新鏤焉

其水歷谷南出陰今案戴無此字山西南入荒干水荒干水

又西南注沙陵湖湖水西南入于河河水南入楨陵

縣西北案諸本誤此九字為經而割緣胡山三字為注可謂不知句讀者矣。此自重校本錄入

趙並依案此九字戴緣胡山歷沙南縣東北兩山二縣

之間南今案戴出案東北兩山四字觀上文祇緣胡

北疑是衍文一作而○此重校本

余以太和中為尚書郎從高祖北巡親所逕涉縣

在山南王莽之楨陸也北去雲中城一百二十里

縣南六十許里有東西大山山西枕河河水南流

脈水尋經殊乖川去之次似非關究也案胡渭曰

今平鹵衛西北黃河西來折而南流處楨陵即故東勝州也在衛西北河東岸沙南故城在西南榆

林塞外經文當云又南逕楨陵縣西又南逕沙南縣東則合矣

又南過赤城東案胡三省曰後魏書明元帝泰常八年

原延袤二千餘里慕容麟禽賀訥於赤城即此處也但考登國三年幸東赤城則必有西赤城而不可考

又南過定襄桐過縣西

定襄郡漢高帝六年置王莽之得降也桐過縣王

莽更名椅桐者也

河水於二縣之間濟有君子之名案顧炎武何焯曰

非經也其言是然胡氏通鑑注引此竟作經乃知胡氏所見已屬經注互瀾之本二縣為定襄郡治之成

樂與桐過也。今案此十三字戴趙亦作注

昔漢桓帝十三年西幸榆中東行代地洛陽大賈

齋金貨隨帝後行夜迷失道往投津長日子封送
之渡河賈人卒死津長埋之其子就尋父喪發冢
舉尸資囊一無所損其子悉以金與之津長不受
事聞於帝帝曰君子也即名其津為君子濟案周
據後漢書桓帝紀再幸函谷一幸雲夢乘輿不屆
榆中且洛陽於代非東也紀年累易不得十三惟
拓跋以猗苞為桓帝雲中其飲馬張璠之地也則
以猗苞當之差無乖爽但其年亦止十一而經文
已著津名何也愚謂周氏之辯至審而不敢堅其
說者不知河水二句之本屬酈注也漢當作代三
當作一朱謀埠曰當是田子封田誤為日○今濟
案戴本依此經改昔漢為皇魏十三為十一
在雲中城西南二百餘里

河水又東南左合一水今案此九字改水出契吳東

經為注戴趙同

山西逕故里南

北俗謂之契吳亭

其水又西流注于河河水又南樹頽水注之案魏地

殊頽顧祖禹曰即寧夏之樹惇城本於國語犬戎樹

惇○此重校本○今案此九字改經為注戴趙同

山下

北俗謂之大浴今案戴山其今案戴水亦取名焉

東北流逕中陵縣故城東

北俗謂之北右突城王莽之遮害也十三州志曰

善無縣南七十五里有中陵縣世祖建武二十五

年置案中陵是漢雁門郡屬後漢移作定襄郡屬耳豈在世祖方置而王莽先改其名者乎十三州志之言

是為叵謬

其水又西北右合一水水出東山

北俗謂之貨敢山水又受名焉

其水自今案戴西北流注于中陵水中陵水字又

西北流逕善無縣故城西

王莽之陰館也十三州志曰舊定襄郡治地理志

今案趙雁門郡治案前志雁門郡治善有日字無續志為定襄郡治

其水又西北流右會一水水出東山下

北俗謂之吐文水山又取名焉

北流逕鋤亭南又今案趙無此字西流逕土壁亭南西出峽

左入中陵水今案戴有中陵二字水又北分為二水一水東北

流謂之沃水又東逕沃陽縣故城南

北俗謂之可不溼城王莽之敬陽也

又東北逕沃陽城東又東合可不溼水水出縣今案戴無

此東南六十里山下西北流注沃水合流而東今案此四

字戴作沃逕參合縣南案此條舊有誤字今以通鑑注校改

魏因參合陁以即名也北俗謂之倉鶴陁道出其

中亦謂之參合口陁在縣之西北即燕書所謂太

子寶自河西還師參合三軍奔潰即是處也魏立

縣以隸涼城郡也今案戴無此字西去沃陽縣故城二十

里縣北十里有都尉城地理志曰沃陽縣西部都

尉治者也北俗謂之阿養城

其水又東合一水水出縣東南六十里山下

北俗謂之災豆渾水

西北流注于沃水沃水又東北流注鹽池地理志曰

鹽澤在東北者也今鹽池西南去沃陽縣今案趙無此字故

城六十五里池水激渟淵而不流東西三十里南北

二十里

池北十今案戴里即涼城郡治朱謀埠曰治舊作注○今案戴趙均

依改池西有舊城俗謂之涼城也郡取名焉地理志

曰澤有長丞此城即長丞所治也

城西三里有小阜阜下有泉東南流注池

北俗謂之大谷今案戴阜均作堆此今案戴無此字水

亦受目焉案諸本誤阜為堆又移置之此字下

中陵川水自枝津西北流右合一水于連嶺北水出

沃陽縣東北山下

北俗名今案戴之烏伏真山水曰誥升袁河案誥

者劉衛辰祖名也○趙氏朱箋刊誤引全氏云案

晉時匈奴右賢王劉誥升爰劉衛辰之所出也河

西南流逕沃陽縣左合中陵川亂流西南與一水合
北俗謂之樹頽水

水出東山下西南流右合誥升袁水亂流西南注分
為二水左水枝分南出

北俗謂之太羅河

右水西逕故城南

北俗名今案戴之昆新城

其水自城西南流注于河河水又南太羅水注之今案

此九字改經水源上承樹頽河南流西轉逕武州縣

故城南案諸本皆脫州字

十三州志曰武州縣在善無城西南今案趙百五

十里北俗謂之太羅城水亦藉稱焉

其水西南流右今案戴水注之水導故城西北五十

里南流逕城西

北俗名之曰故盤迴城

又南流注太羅河太羅河又西南流注于河河水又

左得瀟水口今案此八字改水出西河郡美稷縣東

南流

東觀記曰郭伋字今案趙細侯為并州牧前在州

素有恩德老小相攜道路行部到西河美稷數百

小兒各騎竹馬迎拜，僕問兒曹何自遠來，曰：聞使君到喜，故迎。僕謝而發去，諸兒復送郭外，問使君何日還。僕計日告之，及還先期一日，念小兒即止野亭，須期至乃往。

其水又東南流，羌人因水以氏之。

漢冲帝時，羌蒲狐奴歸化，蓋其渠帥也。

其水俗亦謂之爲湍波，水東南流入長城，東鹽水出。

長城西鹽谷東入湍水。今案戴本重湍水二字又東南渾波水

出西北窮谷，東南流注于湍水。湍水又東逕西河富昌縣故城南。

王莽之富成也

湍水又東流，謂之湍口。案諸本作湍水，又東流入於湍水，是湍自入湍也。今從先

司寇公本改。今案趙依全左。今案左字上戴合一改，謂之湍口。戴作入於河。左有河水二字。

水出善無縣故城西南八十里，其水西流，歷于呂梁

之山而爲呂梁洪。其山巖層岫，衍澗曲崖，深巨石崇

竦，壁立千仞，河流激盪，濤湧波襄，雷奔電洩，震天動

地。淮南子曰：今案戴趙無此四字昔呂梁未闢，河出孟門之上

蓋大禹所闢以通河也。司馬彪曰：呂梁在離石縣西

今於縣西歷山尋河乃。今案戴趙均作竝。無過。今案趙阻今

戴作至是乃爲河之巨險，即呂梁矣。在離石北以東

可二百有餘里也

按閭若璩曰道元謂呂梁在離石

其東北則今靜樂苛嵐州之境西去黃河二百里無

所謂河流也土人欲當以河曲縣西南二十五里天

橋峽亦有禹鑿之迹天將陰雨激浪如雷幾相似矣

而並無巨石千仞又南去離石四百餘里皆與道元

不合當闕疑胡渭曰今大同平虜衛亦有呂梁山或

欲以當之則更在河曲之北去離石愈遠總之呂梁

果在離石縣北則南距孟門六七百里雖不鑿不足

為害○按自古皆云呂梁在離石非始善長也周於

離石置孟門津隋置孟門關唐置孟門縣

不知去河之遠何以至此○此重校本

又南過西河音陽縣東案胡渭本作又東

西河郡漢武帝元朔四年置王莽改曰歸新

圖水出上郡白土縣圖谷案杜佑曰圖今東逕其縣

南地理志圖水出西東入河

王莽更曰黃土也

東至長城與神御今案戴作水合水出縣南神御山

出峽東今案此三字趙至長城入于圖圖水又東逕

鴻門縣

縣故鴻門亭地理風俗記曰圖陰縣西五十里有

鴻門亭天封苑火井廟火從地中出

圖水又東梁水注之水出西北梁谷東南流注圖水

今案戴本重又東逕圖陰縣北

漢惠帝五年立王莽改曰方陰矣案漢志圖水為

作圖陰縣師古曰圖本作圖音銀然王莽改為方

陰則似當時已誤為圖字今有銀州銀水卽是舊

圖水

圖水

名但圖字變耳師古之說如此但考此注則是善長所見舊本尚未誤而隋五代史記開光縣有圖水並未變也○梓材案趙本引全氏校語末云豈後人因王莽有方陰之名而妄改爲圓字以實之乎

又東桑谷水注之水出西北桑谿東北流入于圖圓

水又東逕圖陽今案趙作陰縣南東流注于河河水又東

端水入焉今案此入字改經爲注戴趙同水西出號山山海經曰其

有山字今案趙木多漆櫻其草多芎今案戴窮今案趙是多

泠石案郭注泠音金端水出焉而東流注于河河水又南諸

次之水入焉今案此十字改經爲注戴趙同水出上郡諸次山山海

經曰諸次之山諸次之水出焉是山多木無草鳥獸

莫居是多象蛇案施廷樞曰諸本皆作衆蛇今本山經亦同然誤也象與衆形相近其

水東逕榆林塞

世又謂之榆林山即漢書所謂榆谿舊塞者也自

谿西去悉榆林之藪矣緣歷沙陵屈龜茲縣西北

今案趙故謂廣長榆也王恢云樹榆爲塞謂此矣

蘇林以爲榆中在上郡非也案始皇本紀西北逐

匈奴自榆中並河以東屬之陰山然榆中在金城

東五十許里陰山在朔方東以此推之不得在上

郡漢書音義蘇林爲失是也案胡省三日蘇林之說固未爲盡是而道

元所謂榆中在金城東五十許里亦非也據衛青取河南地案榆谿舊塞正在唐麟勝二州界其西

則接古上郡之境況諸次水出上郡逕榆林塞入河則榆林在上郡之東明矣諸次水無西流至金城之理夷考其故道元特以班志金城郡有榆中縣遂牽合之不知此誤尤甚於蘇林也○案胡氏之辯至審校之王氏通鑑地理通釋為覈○此重校本

其水東入長城小榆水合焉歷澗西北窮谷其源也

又東合首積水水西出首積谿今案趙本東注諸次重一谿字

水又東入于河山海經曰諸次之水東流注于河即

此水也河水又南湯水注之今案此八字改經為注戴趙同山海經

曰水出上申之山上無草木而多礫石下多榛楛湯

水出焉東流注于河也又南逕離石縣西奢延水注

之今案趙本逕作過以此七字為經戴作又南而云下脫過字亦以為經奢延水注之五字戴作注趙

亦作經 水西出奢延縣西南赤沙阜東北流山海經所

謂生水出孟今案戴山者也

郭景純曰孟或作明案趙一清曰今山經郭注並無此文但曰孟音于愚謂黃

省曾本譌孟作孟是必妄男子者曾竊聞孟諸之為明諸自以為博因改郭注以就之

漢破羌將軍段熲破羌于奢延澤虜走洛川洛川在

南俗因縣土謂之奢延水又謂之朔方水矣東北流

逕其縣故城南

王莽之奢節也赫連龍昇七年於是水之北黑水

之南遣將作大匠梁公叱干阿利改築大城名曰

統萬城案沈炳異曰是年三月赫連改元鳳翔然後以阿利領將作蒸土加功

雉堞雖久崇墉若新并造五兵器銳精利乃咸百
 鍊為龍雀大鑲號曰大夏龍雀銘其背曰古之利
 器吳楚湛盧大夏龍雀名冠神都可以懷遠可以
 柔逋如風靡草威服九區世甚珍之案崔鴻十六國春秋久無存者明人鈔撮成編而不甚確如夏錄載是銘曰可以懷遠可以柔逋是但以屬對而不知叶韻之誤以九區為九域則下四句非復銘音矣若崔鴻原文之引入諸書者多不知收拾○此重校本
 又鑄銅為大鼓及飛廉翁仲銅駝龍虎皆以黃金
 飾之列於宮殿之前則今夏州治也

奢延水又東北與溫泉合源西北出沙谿而東南流
 注奢延水奢延水又東黑水入焉水出奢延縣黑澗

東南歷沙陵注奢延水奢延水又東合交蘭水水出
 龜茲縣交蘭谷東南流注奢延水奢延水又東北流
 與鏡波水合水源出南邪山南谷東北流注于奢延
 水奢延水又東逕膚施縣帝原水西北出龜茲縣東
 南流

縣因處龜茲降胡著稱

又東南注奢延水今案戴本重奢延水三字又東今案趙無此字逕膚施

縣南

秦昭王三年置上郡治漢高祖并三秦復以為郡
 王莽以漢馬員為增山連率歸世祖以為上郡太

守司馬彪曰增山者上郡之別名也

案朱謀埠曰漢志西河郡自有增山縣愚謂漢志不書王莽所改上郡之名是脫文意莽即以增山名上郡故續書載之足以補漢志之闕正不礙

西河之別有增山也

東入五龍山

地理志曰縣有五龍山帝原水

自下亦為通稱也歷長城東出于赤翟

今案戴無白此二字

翟之中

案史記晉文公攘赤狄白狄於閭洛間張守節曰赤狄在潞州境白狄在延銀綏三州境今日赤狄亦居閭洛所未詳也考國語亦但曰齊桓攘白狄至於西河而無赤狄則張氏之言是也善長蓋亦據史記

○此重校本又有平水出西北平谿東南入奢延水今案戴重奢又東走馬水注之水出西南長城北陽延水三字

周縣故城南橋山

昔二世賜蒙恬死於此王莽更名上陵峙山上有

黃帝冢故也帝崩惟弓劍存焉故世稱黃帝仙矣

其水東流昔段熲追羌出橋門至走馬水聞羌在奢

延澤即此處也

門即橋山之長城門也

案東觀漢記曰橋門谷名於奢延澤落川令鮮水上今注文獨不見所謂令鮮水者以致章懷誤以張掖之鮮水當之胡三省曰當北地上郡之間非

張掖也○此重校本始皇令太子扶蘇與蒙恬

築長城起自臨洮至於碣石即是城也

梓材案重校本始皇以下二十五字在昔字下二世上校云案諸本錯簡在長城門也之下

其水東北流入長城又東北注奢延水又東與白羊

水合其水出于西南白羊谿巡今案戴循谿東北注于

奢延水奢延水又東入于河山海經曰生水東流注

于河河水又南陵水注之今案此八字改經為注戴趙同水出陵川

北谿南逕其川西轉入河河水又南得離石水口今案

此九字改經為注戴趙同水出離石北山何焯曰水出二字諸本所無應有之○今案戴

趙並南流逕離石縣故城西依增

史記云秦昭王伐趙取離石者也漢武帝元朔三

年封代共王子劉緡為侯國案黃省曾本緡誤歸朱謀埠改○此重校

本後漢西河郡治也

其水又南出西轉逕隰城縣故城南

漢武帝元朔三年封代共王子劉忠為侯國王莽

之慈平亭也胡俗語訛尙有十城之稱案十者隰

諸本又譌而為干今案戴趙均作干

其水南流注于河也

又南過中陽縣西

中陽縣故城在東東翼汾水隔越重山不濱于河也

又南過土軍縣西

吐京郡治案魏地形志眞君九年置吐京郡以文例按之當有今字故城即土

軍縣之故城也胡漢譯言音今案趙為訛變矣其

城員長而不方漢高帝十一年以封武侯宣義為

侯國案宣義謚式非武也字近而訛

縣有龍泉水無此案戴趙出城東南道左山下牧龍川

案九域志引是注作牧龍川乃知諸本牧馬川之非今案戴作牧馬上多產駒駿同

滇池天馬案天馬今本續漢志注及華陽國志皆誤作元馬其水西北流至

其城東南土軍水出道左高山西南注之龍泉水又

北屈逕其城東西北入于河河水又南合契水今案此七

字改經為傍谿東入窮谷其源也又南至祿谷水口

注戴趙同水源東窮此谿也河水又南得大蛇水今案此八字

同發源谿首西流入河河水又南右納辱水謝氏北

本無南字。此重校本。今山海經曰辱水出今案

案此八字改經為注戴趙同於鳥山其上多桑其下多楮陰多鐵陽多玉其水東

流注于河俗謂之秀延水東流得浣水口傍谿西轉

窮谿便即浣水之源也辱今案趙作水又東會今案

于根水西南谿下根水所發而東北注辱水辱水今案

趙本無秀又東南露跳水出西露谿東流又東北入

辱水亂流注于河河水又南左合信支水水發源東

露谿西流入于河河水又南左會石羊水巡今案戴

谿東入導源窮谷西流注于河

又南過上郡高奴縣東

域谷水東啟荒原四歷長谿西南入于河河水又南

合孔今案趙無此字谿口水出孔山南歷谿西流注于河

孔山之上有穴如車輪三所東西相當相去各二

丈許南北直通故謂之孔山也山在蒲城西南三

十餘里

河水又右會區水山海經西次四經之首曰陰山西

北百七十里曰申山其上多穀今案戴作穀柞其下多柎

檀其陽多金玉區水出焉而東流注于河世謂之清

水清水出上郡案諸本皆脫清水出三字以太平寰宇記所引補今案戴本合下句作

清水東流入上郡長城東流入于長城逕老人山下又東北流

至老人谷傍水北出極谿便得水源清水又東得龍

尾水口水出北地神泉障北山龍尾谿東北流注清

水今案戴本重清水二字又東會三湖水水出南山三湖谷東

北流入清水清水又東逕高奴縣合豐林水地理志

謂之涓水也故言高奴縣有涓水肥可難

水上有肥可接取用之博物志稱酒泉延壽縣南

山出泉水大如筥注地為溝水有肥如肉汁取著

器中始黃後黑如凝膏然極明與膏無異膏車及

水碓缸今案趙作缸甚佳彼方人謂之石漆水肥亦所

在有之非止高奴縣涓水也項羽以封董驎為翟

王居之三秦此其一也漢高祖破以縣之王莽之利平矣民俗語訛謂之高樓城也

豐林川長津瀉注北流會清今案趙作清下同水清水又南

奚谷水注之案奚諸本誤作谿水西出奚川東南流入清水

又東注于河河水又南逕今案戴蒲川無此字蒲川今案戴有石

樓山南逕蒲城東今案此十五字改經為注戴趙同

即重耳所奔之處也

又南歷蒲子縣故城西

今大魏之汾州治徐廣晉紀稱劉淵自離石南移

蒲子者也闕駟曰蒲城在西北漢武帝置

其水南出得黃盧水口今案趙東出有歷字蒲子

城南東北入黃盧谷案諸本作東北入谷脫黃盧二

今案戴本仍脫此二字極谿便水之源也今案戴有蒲水二字又南合紫

川水有出字東北出今案趙無此字紫川谷西南合江水

江水出江谷西北入紫川水紫川水又西北入蒲水

蒲水出石樓山下案蒲水出石樓山下五字諸本脫

今案戴本又西南入于河水河水又南合今案趙無此字黑

水今案趙有注之二字水出定陽縣西山二源奇發同瀉一壑

東南流逕其縣北又東南流右合定水俗謂之白水也水西出其縣南山定水谷東逕定陽縣故城南

應劭曰縣在定水之陽也

定水又東注于黑水亂流東入于河案此條舊多脫字今以初學記

太平寰宇記校增。今案戴趙並依全增

水經注第三終

後學王梓材錄董沛重校

水經注第四

范陽酈道元注

鄞全祖望校

布政使銜浙江甯紹台兵備道無錫薛福成校刊

河水四

又南過河東北屈縣西

河水南逕北屈縣故城西

今按戴有西四二字

十里有風山

上有穴如輪風氣蕭瑟習常不止當其衝飄也而今按戴略無生草蓋常不定眾風之門故也無此字

風山西四十里河南孟門山與龍門山相對

按是句見於太

平寰宇記所引注文今補入。今按此六字戴未補山海經曰孟門之山其上

多金玉其下多黃堊涅石淮南子曰龍門未闢呂梁

未鑿河出孟門之上大溢逆流無有邱陵高阜滅之

名曰洪水大禹疏通謂之孟門故穆天子傳曰北登

今按趙孟門九河之隘孟門即龍門之上口也實為

河之巨阨兼孟門津之名矣按魏土地記謂孟門通

津之名則謬王氏困學紀聞曰林成己春秋論謂此

孟門即孟津誤也而不知成己蓋仍善長之謬此

石經始禹鑿河中漱廣夾岸崇深傾崖返捍巨石臨

危若墜復倚古之人有言水非石鑿而能入石信哉

其中水流交衝素氣雲浮往來遙觀者常若霧露沾

人窺深悸魄其水尚崩浪萬尋縣流千丈渾洪曩怒

鼓若山騰濬波頽疊迄于下口方知慎子下龍門流

浮竹非駟馬之追也又有燕完水注之異源合舍西

流注河河水又南得鯉魚水今按此八字改經為注

戴趙同惟戴無水字歷澗東入窮溪首便其源也

爾雅曰鱸鮪也出鞏穴三月則上渡龍門得渡為

龍矣否則點額而還非夫往還之會何能便有茲

稱乎

河水又南羊求水入焉今按此九字改水東出羊求

經為注戴趙同川西逕北屈縣故城南

城即夷吾所奔邑也王莽之朕北也汲郡古文曰

翟章救鄭次于南屈應劭曰有南故加北國語曰

二五言于獻公曰蒲與二屈君之疆也先贈公曰章注國語

亦作疆其實誤也環晉皆疆何獨蒲其屈擅之疆當作疆

其水西流注于河河水又南為采桑津今按此八字改經為注戴

趙同惟戴無水字

春秋僖公八年晉里克敗狄于采桑是也

又南過皮氏縣西

胡三省曰龍門上口在北屈所謂龍門也龍門下口在皮氏。今按此七

字戴移於下指謂是水也之後仍作經文

赤水出西北罷谷川東謂之赤石川東入于河河水

又南合蒲水今按此七字改西則兩源並發俱導一

山出西河陰山縣

王莽之山寧也

陰山東麓南水東北與長松水合水西出丹陽山東

今按此七字趙作東北流左入蒲水蒲水又東

今案一東北與北溪會同為一川東北注河河水又南得

今按戴丹水經為注戴趙同水而有西南二字出丹

陽山東北逕冶官東按諸本此條作河水又南逕丹

凡地則曰逕曰歷曰過若水則曰合曰注曰得今丹

水非地也安得曰逕故竊更定之。今按趙依全改

俗謂之丹陽城城之左右猶有遺銅矣何焯曰疑

丹陽郡之銅官當之。按漢志皮氏縣乃鐵官然

其城固以丹陽川得名也

非誤引漢之丹陽郡何

說未盡然也。又按上郡志有丹陽川魏置義川

縣以丹陽川故也西魏因之又立汾川縣蓋亦以

全水經注

卷四

三

此汾水之地水經曰蒲川水自鄜州洛川縣流入丹陽川是也今本無之移入洛水逸篇

其水東北會白水口水出丹山東而西北注之丹水

又東今按趙重北入河河水又南黑水按吳朱二本增注之二字

非今按此六字西出丹山東而東北入于河按初

改經為注戴趙同西出丹山東而東北入于河按初

引是注曰烏川水出汾川縣西北太平寰宇記引注

曰汾川縣西有殺狗嶺今本皆無之考隋五代史志

汾川乃宇文周縣名魏之安平也道元之卒已二十

七年矣意者徐樂二家鈔變其文而稱汾川乎姑附

見于此梓材按重河水又南至崕谷旁按當下當有

校本有此而已抹之東北窮澗水源所導也西南流

四字今按此八字東北窮澗水源所導也西南流

改經為注戴趙同東北窮澗水源所導也西南流

注于河河水又南洛水自獵山枝分東派東南注于

河今按此十八字改經為注戴趙同

昔魏文侯築館洛陰指謂是水也金按經文又南

條戴本皮氏縣王莽之延平也故城在龍門東南

移此不得延逕皮氏方屈龍門也按此洛水即雍州北

合漆沮以入渭而支流則是上郡入河史記晉文

公攘戎狄居于圖洛之間是洛水地望之見于七

國之先者

又南出龍門口汾水從東來注之

昔者大禹導河積石疏決梁山謂斯處也即經所謂

龍門矣魏土地記曰梁山北有龍門山大禹所鑿通

孟津河口廣八十步巖際鑄迹遺功尚存

岸上並有廟祠祠前有石碑三所二碑文字紊滅

不可復識一碑是太和中立竹書紀年晉昭公元

年河水今按戴無此字赤于龍門三里梁惠成王四年河

水赤于龍門三日京房易妖占曰河水赤下民恨

胡渭曰善長于此謂龍門在梁山北則是以呂梁為即夏陽之梁山無疑矣此與尸子呂覽淮南子

無木合

河水又南右合暢谷水今按此九字改經為注戴趙同水自溪東南

流逕夏陽縣西北東南注于河河水又南逕梁山原

東今按此九字改經為注戴趙同

原自山東南出至河晉之望也在馮翊夏陽縣之

西北今按趙臨于河上山崩壅河三日不流晉侯無此字

以問伯宗卽是處也春秋穀梁傳曰成公五年梁

山崩遏河水三日不流召伯尊遇輦者不避使車

右鞭之輦者曰所以鞭我者其取道遠矣伯尊因

問之輦者曰君親縞素率羣臣哭之斯流矣如其

言而河流

河水又南岨谷水注之今按此九字改經為注戴趙同水出縣西北

梁山東南流橫溪水注之水出三累山

其山層密三成故俗以三累名山按爾雅山三成

為崑崙邱斯山豈亦崑崙邱乎山水際有二石

室蓋隱者之故居矣

細水東流注于峒谷

側溪山南有石室西面有兩石室北面有二石室皆因阿結牖連扁接闔所謂石室相距也東廂石上猶傳杵臼之迹庭中亦有舊宇處尙髣髴前基北坎室上有微涓石溜豐周瓢飲似是栖遊隱學之所昔子夏教授西河疑卽此也而無以辨之溪水又東南逕夏陽縣故城北

故少梁也秦惠文王十一年更從今名矣王莽之冀亭也

其水東南注于河

昔韓信之襲魏王豹也以木罌自此渡

河水又南右合陶渠水今按此九字改經爲注戴趙同水出縣今按戴無

此西北梁山東南流逕漢陽太守殷濟精廬南按宋字精廬尙在則與上逕字不合今從吳瑄本

俗謂之子夏廟

渠今按戴作陶水又南逕高門原今按戴作高門南趙作高門原南

原南有層阜秀出雲表俗謂之馬門原按三語以記所引校得之。今按此十五字戴未補趙引於注中蓋層阜墮今按趙作隳缺

故流高門之稱矣

又東南逕華池南

池方三百六十步在夏陽城西北四里許故司馬

遷碑文云高門華池在夏陽西城北按諸本在茲乃羨文

今按戴趙有茲字西城北趙作城西漢陽太守殷北戴刪去西城北至四里所十四字

濟精舍四里所今高門東去華池三里

渠今按戴水又東南逕夏陽縣故城南

服虔曰夏陽號邑也在大陽東三十里城南朱謀

春秋僖公二年虞師晉師滅下陽杜元凱云下陽號邑在河東大陽縣按漢志弘農陝縣注故號國

在大陽東馮翊夏陽縣注故少梁龍門在北則下陽夏陽兩地也公羊傳下陽作夏陽服因誤矣

今按戴無城南二字

又歷高陽宮北又東南逕司馬子長墓北

墓前有廟廟前有碑永嘉四年漢陽太守殷濟瞻

仰遺文大其功德遂建石室立碑樹桓按桓多誤

疑之今以隸釋校桓即碑也太史公自敘曰遷生於龍門是其

墳墟所在矣

渠今按戴水東南流入河

昔魏文侯與吳起浮河而下美河山之固即于此

也

河水又南徐水注之今按此入字改水出西北梁山

東南流逕漢武帝登仙宮東又今按戴趙東南流絕

疆梁原今按戴逕劉仲城北按漢志左馮翊懷德縣

祖禹曰卽荆山左麓亦謂之朝坂

是漢祖兄劉仲之封邑也故徐廣史記音義曰郤陽國名也高祖八年侯劉仲元年今按戴本無此二字是也

按郤陽史記高祖紀作合陽

又逕姚武壁南

按此句從曹學佺本校得之○今其按此六字戴未補趙引于注中

水東南逕子夏陵北東入河河水又南逕子夏石室

今按此九字改東經爲注戴趙同

南北有二石室臨側河崖卽子夏廟室也

又南過汾陰縣西

河水東際汾陰

縣故城在睢側漢高帝六年封周昌爲侯國魏土

地記曰河東郡北八十里有汾陰城北去汾水三

里城西北隅曰睢邱上有后土祠封禪書曰元鼎

四年始立后土祠於汾陰睢邱是也又有萬歲宮

漢宣帝神爵元年幸萬歲宮東濟大河而神魚舞

水矣昔趙簡子沈樂激於此朱謀埠曰呂氏春秋作樂激曰吾

好聲色而是子致之吾好士六年不進一人是長

吾過而黜今按趙作繼吾善君子以爲能譴矣

河水又逕郃陽城東今按此八字改經爲注戴趙同

周威烈王之十七年魏文侯伐秦至鄭還築汾陰

郃陽卽此城也故有莘邑矣爲太姒之國詩云在郃之陽在渭之涘又曰纘女維莘長子維行謂此也

城北有漢水南去二水各數里按卽指渭郃二水也疑上文有脫簡其

水東逕其城內東入于河又於城中有漢水按諸本作城南

側中者乃羨文。今按戴衍內側二字東南出城注于河城南又有漢

水東流注于河與刻首水近按此五字以太平寰宇記所引校得之。今按

此五字戴趙未補水南猶有文母廟廟前有碑去城一今按戴無此字十五

里水卽郃水也縣取名焉故應劭曰在郃水之陽

也

河水又南漢水入焉水出汾陰縣南四十里西去河

三里平地開源瀆泉上湧大幾如輪深則不測俗呼

之爲漢魁朱謀璋曰郭璞爾雅注云汾陰有水口如車輪許瀆沸涌出其深無限名之爲漢。○

按墳瀆皆與漢通古人壅其流以爲陂水種稻東西二百步

南北一今按戴無此字百餘步冬溫夏冷清澈見底按二語從元豐

九域志所引校得之。○今按此入字戴未補趙引于注中與郃陽漢水夾河河按今

趙無中渚上又有一漢水皆潛相通故呂忱曰爾雅

異出同流爲漢水其水西南流歷蒲坂西西流注于

河河水又南逕陶城西今按此入字改經爲注戴趙同

舜陶河濱皇甫士安以為定陶不在此也然陶城在蒲坂城北城即舜所都也南去歷山不遠或耕或陶所在則可何必定陶方得為陶也舜之陶也斯或一焉

孟津有陶河之稱蓋從此始之南對蒲津關

汲冢竹書紀年魏襄王七年秦王來見于蒲坂關

四月越王使公師隅來獻乘舟始罔及舟三百箭

五百萬犀角象齒焉按沈炳巽曰今本竹書無乘

是乘舟之名及見何焯再校本亦云然

又南過蒲坂縣西

地理志曰縣故蒲也王莽更名蒲城應劭曰秦始皇

東巡見有長坂故加坂也孟康曰晉文公以賂秦秦

人還蒲于魏魏人喜曰蒲反矣故曰蒲反也按此魏壽餘事

也特參錯其說耳

辭瓚注漢書曰秦世家以垣為蒲反然則本非蒲

也皇甫謐曰舜所都也或言蒲坂或言平陽及漢

者也按漢即廣甯之漢縣非上文郟陽縣之漢也漢志續漢志晉志魏志皆誤作潘即書灤

水篇中亦作潘賴此篇存一漢字得與胡三省通鑑注相證明○今按戴作潘趙作漢而辨之今

城中有舜廟魏秦州刺史治太和遷都罷州置河

東郡郡多流雜按流雜猶謂之徙民民有姓劉名

墮者宿擅工釀採挹河流醞成芳耐懸食同枯枝

之年排於桑落之辰朱謀埠曰縣食二語字有脫誤按洛陽伽藍記云河東人

劉白墮善釀酒六月中以罌貯酒曝日中經旬酒味不動飲之香美朝貴千里相餉命曰鶴觴齊民

要術云十月桑落初凍則收水釀者為故酒得其

上時春酒正月晦日收水為中時春酒名矣然香醕之色清白若滃漿焉別調氛氲不與

佗同蘭薰麝越自成馨逸方土之貢選最佳酌矣

自王公庶友牽拂相招者每云索郎有顧思同旅

語索郎反語為桑落也更為籍徵之雋句中書之

英談郡南有歷山謂之歷觀舜所耕處也今按趙無此字

有舜井

媯汭二水出焉南曰媯水北曰汭水西逕歷山下按西

舊誤作迺沈炳異改

○今按戴趙並依改上有舜廟周處風土記曰舊說舜葬上虞又記云

耕于歷山而始寧剡二縣界上舜所耕田于山下

山多柞樹吳越之間名柞為杼故曰歷山余按周處

言此志為不近情傳疑則可證實非矣安可假木異

名附山殊稱彊引大舜即比寧懷按寧與甯通即

之說朱謀埠強引括地志河內獲嘉之甯城當之

于舜何豫又引媯州懷戎之舜井以解懷字道元

時何嘗有懷戎之地名乎懷當作壤蓋謂以歷山

在東越猶之以廣甯之壤為舜都也○今按戴本

依此徑更為失志記之本體差實錄之常經矣歷

山媯訥言是則安于彼乖矣

尙書所謂釐降二女于媯訥也孔安國曰居媯水之內王肅曰媯訥虞地名皇甫謐曰納二女于媯水之訥馬季長曰水所出曰訥然則訥似非水名而今見有二水異源同歸渾流西注于河河水又南逕雷首山西今按此九字改經爲注戴趙同惟戴無又字

山臨大河北去蒲坂三十里尙書所謂壺口雷首者也俗亦謂之堯山山上有故城世又曰堯城闕駟曰蒲坂堯都按地理志曰縣有堯山首山祠雷首山在南事有似而非非而是千載眇邈非所詳

耳

又南涑水注之今按此六字改經爲注戴趙同水出河北縣雷首山按此別是河北縣之涑水非聞喜縣之涑水也○梓材按趙本引全氏校語甚詳蓋卽謝山涑水篇跋而節之者別著于第六卷涑水後

縣北與蒲坂分山有夷齊廟闕駟十三州志曰山一名獨頭山夷齊所隱也按閻若璩曰史記正義首陽山凡五所王伯厚考曾子書以爲在蒲坂者得之酈注既載之雷首又載之平縣故城亦不能定山南有古冢陵柏蔚然攢茂邱阜俗謂之夷齊墓也

其水西南流亦曰雷水逕桑泉縣界按此五字初學記太平寰宇記並引之今補入○今按此五字戴趙未補

穆天子傳曰王戌天子至于雷首犬戎胡觴天子

于雷首之阿乃獻良馬四六天子使孔牙受之于

雷水之干是也昔趙盾田首山食祁彌明翳桑之

下即于此也按趙盾事是引史記故與左傳不同

訛然食者別是靈輒非提彌明史記則以翳桑餓

人為祁彌明斯乃善長有意舍左用史義門所謂

涑水又西南流注于河

春秋左傳謂之涑川者也俗謂之陽安澗水

又南至華陰潼關渭水從西來注之

汲冢今按戴趙俱作郡竹書紀年曰晉惠公十五年秦穆

公帥師送公子重耳涉自河曲沈炳巽曰晉惠公

五年乃周襄王之十五年是年秦納重耳次年

至河則周襄王之十六年也涑水篇之誤同春

秋左氏僖公二十四年秦伯納之及河子犯以璧

授公子曰臣負羈縲從君巡于天下臣之罪多矣

臣猶知之而况君乎請由此亡公子曰所不與舅

氏同心者有如白水投璧于此子推笑曰天開公

子子犯以為功吾不忍與同位遂逃焉按上半皆

璧以下則史記語也但言貪天為力之非而逃于

未入國之先則非以祿之不及也高于他書所云

矣笑今本誤作哭○
河水歷船司空與渭水會今按此十字改

漢書地理志今按趙有日字舊京兆尹之屬縣也左邱明

國語云華嶽本一山當河河水過而曲行河神巨

靈手盪脚踢開而為兩今掌足之跡仍存華嶽宋

璋日按巨靈事在薛綜西京賦注引古語非國語也開山圖曰有巨靈胡者

徧今按趙得坤今按趙元之道能造山川出江今

趙無河所謂巨靈最屨首冠靈山者也常有好事

之人今按戴故升華嶽而觀厥跡焉自下廟厯列

柏南行十一里東迴三里至中祠又西南出五里

至南祠謂之北君祠諸欲升山者至此皆祈請焉

從此南入谷七里孫潛曰從此諸本皆作從北今改正又屈一祠謂

之石養父母石龕木主存焉又南出一里至天井

井裁容人穴空迂迴傾今按戴趙曲而上可高六

丈餘山上又有微涓細水流入井中亦不甚沾人

上者皆所由涉更無別路欲出井望空視明如在

室窺窗也出井東南行二里峻坂斗上斗下降此

坂二里許又復東上百丈崖升降皆須扳繩挽葛

而行矣南上四里路到石壁緣傍稍進逕一今按

此百餘步自此西南出六里又至一神名曰胡趨

寺按朱謀璋曰郭緣生述征記神作祠趨作越予

是時北人直以神字當祠字耳緣生南人自當曰

祠善長則襲其方言或曰神或曰祠參用之朱箋

向未博考也。今按戴神像有童子之容從祠南

徑改神為祠趨作越 歷夾嶺廣裁三尺餘兩箱縣崖數萬仞窺不見底

祀祠有感則雲與之平然後敢度猶須騎嶺抽身

漸以就進故世謂斯嶺為擗嶺矣度此二里便屈

山頂按便諸本皆誤作復今從孫上方七里靈泉

二所一名蒲池西流注于澗一名太上泉東注澗

下上宮神廟近東北隅其中塞實雜物事難詳載

自上宮東北出四百五十步有屈嶺東南望巨靈

手跡惟見洪崖赤壁而已都無山下上觀之分均

矣按唐土涯有仙掌辨兒文粹

河在關內南流潼激關山因謂之潼關按通典曰潼關本名衝關

濩水注之水出松果之山按周嬰曰濩水出松果之

之上誤耳而鍾惺曰奇景語殆以為揚波北流逕

通谷世亦謂之通谷水東北注于河

述征記所謂潼谷水者也或說因水以名地也

河水自潼關東北流

水側有長坂謂之黃巷坂坂傍絕澗涉此坂以升

潼關所謂泝黃巷以濟潼矣按黃巷或作黃卷是語出西征賦中

歷北出東嶠通謂之函谷關也

邃岸天高空谷幽深澗道之峽車不方軌號曰天

險故西京賦曰巖險周固衿帶易守所謂秦得百

二并吞諸侯也是以王元說隗囂曰請以一丸泥

東封函谷關圖王不成其弊足霸矣按善長系函

系潼關于華陰本二地而何焯曰蓋一地而異名

也攷通典漢武帝徙函谷關於新安至獻帝西幸

出關猶在新安及建安十六年曹操破馬超於潼

關即是中間移於此所謂國之巨防不為細事而

史官失之是以杜岐公亦直以函谷關即潼關特

徙其地耳然通典于新安縣下又云魏明帝景初

元年河南尹盧延請卻函谷關於嶠下弘農守杜

恕議以東徙潼關著郡下省函谷關更號大嶠

氏正始元年弘農守孟康請移函谷關然則潼關

關又為金關地理志曰是年廢函谷關然則潼關

置於季漢而函谷關廢於魏之正始岐公前說似

未經刊正之言故特辨之○又按潼關天險乃不

知其始置之年愚再三考之獻帝西幸關尚未立

則直是韓遂馬超下隴據關中時所為不然更無

人於雲擾之際有此建置也雖郭緣生記曰漢末

於史無所見而以時推之如此

之亂魏武征韓遂馬超連兵此地今際河之西有

曹公壘道東原上云李典營義熙十三年王師曾

據此壘西征記曰沿路透迤入函谷道按柳僉本

諸本脫谷字○今六里有舊城城周百餘步北臨

按戴趙俱脫谷字

大河南對高山姚氏置關以守峽宋武常入長安

檀道濟王鎮惡或據山為營或平地結壘為大小

七營濱帶河險姚氏亦保據山原陵阜之上沈炳

陵字出十六國春秋異曰尚傳故迹矣關之直北隔河

○今按戴趙並依增

有層阜巍然獨秀孤峙河陽世謂之風陵戴延之

所謂風埽者也

按朱謀璋曰風埽御覽作風堆西征記曰女媧風姓當是女媧之墓

九域志云女媧墓在今潼關南則河濱姚氏之營口河灘上予考史記作封陵

與晉對岸

河水又東北玉澗水注之

今按此十字改

經為注戴趙同

水南出玉

溪北流逕皇天原西

周固記開山東首上平博方可里餘三面壁立高

千許仞漢世祭天於其上名之為皇天原上有漢

武帝思子臺

又北逕闕今按戴鄉城西縣有闕鄉

郡國志曰弘農湖按師古曰闕

作胡本從曼許密

反後誤作受而妄音汝授反。梓材按趙本引全

氏校語又云今俗讀聞音則以闕與闕近致訛傳

呼失其世謂之闕鄉水今按戴趙俱有也字

魏尙書僕射闕

鄉侯河東衛伯儒之故邑

其水北流注于河河水又東逕闕鄉城南今按戴

與全鳩澗水合今按此十六字改

水出南山北逕皇

天原東

述征記曰全節地名也朱謀璋曰圖經即漢書

泉鳩里辰太子死處其

西名桃原古之桃林周武王克殷休牛之地矣西

征賦曰咸徵名於桃原者也晉太康地記曰桃林

在闕鄉南谷中

河水四

全宋水經注

卷四

河水四

七

其水入河北注于河孫潛曰河北蓋謂河北縣也。今按戴作其水又北流注于河。

又東過河北縣南

縣與湖縣分河蓼水出襄山蓼谷西南今按趙有流字注于

河河水又東永樂澗水注之今按此十字改經為注戴趙同水北出

于薄山南流逕河北縣故城西

故魏國也晉獻公滅魏以封畢萬卜偃曰魏大名

也萬後其昌乎後乃縣之在河之北故曰河北縣

也今城南西二面並去大河可二十餘里北去首

山今按戴無此字十許里處河山之間土地迫隘故魏

風著十畝之詩也

城內有龍泉南流出城又南斷而不流永樂溪水又

南入于河余按中山經即渠豬之水也太史公封禪

書稱華山以西名山七薄山其一焉薄山即襄山也

徐廣曰蒲坂縣有襄山山海經曰蒲山之首曰甘棗

之山按朱謀埠曰蒲州河東縣雷首山一名中條山一名歷山亦名首陽山亦曰蒲山一名襄山亦

名甘棗山亦名豬山但謀埠所引尚未備括地志尚有云一名衰山張守節云音色眉翻守節又云一云

寸棘山一名渠山一名吳山其水出焉而西流注于河東則

渠豬之山渠豬之水出焉而南流注于河如準封禪

書二水無西南注今按趙作流河之理今診蓼川流所趣

與其水相扶永樂溪水導源注于河又與渠豬勢合

蒲山統目總稱亦與襄山不殊故揚雄河東賦曰河

靈攬今按戴作嬰 踢掌華蹈襄沈炳巽曰原賦作爪華蹈

爪古注云襄山在潼關北十餘里以是推之知襄山

在蒲坂溪今按趙作蓼 水即渠豬之水也河水自河北城

南東逕芮城今按此十一字改

二城之中有段干木冢干木晉之賢人也魏文侯

過其門軾其廬所謂德尊萬古芳越來今矣汲冢

竹書紀年曰晉武公元年尙一軍何焯曰是曲沃

然武公晚年始作二軍則莊伯十五年事 芮人乘京荀人董伯皆

何以此糾竹書未覈也按大荔之戎亦名 叛匪直大荔故芮也此亦有焉芮戎在北地而芮

伯之國在臨晉其後大荔滅于秦種落蓋有居于

臨晉者漢人遂合芮戎芮伯之國而一之謂臨晉

即故大荔是大謬也惟善長稍辨之曰匪直大荔

故芮也此亦有焉則二芮了然矣而讀其注者鮮

知之趙本 引全氏校語 紀年又云晉武公七年芮伯萬之母

芮姜逐萬萬出奔魏八年周師號師圍魏沈炳巽

竹書作王師 取芮伯萬而東之今按戴 九年戎人

秦師圍魏無此字 逆芮伯萬于郊孫潛曰郊諸 斯城亦或伯萬今按

芮之故畫也戴作

河水右今按趙 會槃澗水今按此七字改 水出湖縣

夸父山北逕漢武帝思子宮歸來望思臺東趙氏朱

望子全按戴依全改 又北流入于河河水又東逕

書今按戴依全改 又北流入于河河水又東逕

全宋文卷四 河水四

七

湖縣故城北今按此十字改經為注戴趙同

昔范叔入關遇穰侯於此矣

湖水出桃林塞之夸父山

廣員三百仞武王伐紂天下既定王及嶽瀆按朱謀璋

曰所謂及河喬嶽是也然謀璋又放馬華陽散牛改及為巡可不必。今按戴作巡

桃林即此處也其中多野馬造父於此得驂騮綠

耳盜驪之乘以獻周穆王使之馭以見西王母

湖水又北逕湖縣東而北流入于河

魏土地記曰弘農湖縣有軒轅黃帝登仙處黃帝

採首山之銅鑄鼎於荆山之下有龍垂胡於鼎黃

帝登龍從登者七十人遂升於天故名其地為鼎

胡荆山在馮翊首山在蒲坂與湖縣相連晉書地

道記太康記並言胡縣也漢武帝改作湖俗云黃

帝自此乘龍上天也地理志曰京兆胡縣有周天

其子祠二所故曰胡不言黃帝升龍也

山海經曰西九十里曰夸父之山其木多椶櫚多竹

箭其陽多玉其陰多鐵其北有林焉名曰桃林其中

多馬湖水出焉北流注于河

故三秦記曰桃林塞在長安東四百里若有軍馬

經過好行則牧華山休息林下惡行則決河漫延

人馬不得過矣

河水又東合柏谷水今按此八字改經為注戴趙同水出弘農縣南

石隄山

山下有石隄祠銘云魏甘露四年散騎常侍征南將軍豫州刺史領弘農太守南平公之所經建也其水北流逕其亭下

晉公子重耳出亡及柏谷卜適齊楚狐偃曰不如

之翟漢武帝嘗微行此亭見饋亭長妻故潘岳西

征賦曰長徵客今按趙于柏谷妻靚貌而獻餐謂

此亭也

谷水今按趙作柏谷水又北流入于河河水又東右合門水

今按此八字改經為注戴趙同門水即洛水之支流者也洛水自上

洛縣東北于拒陽城西北分為二水顧祖禹曰晉拒陽縣治拒陽川

隋改洛南縣枝渠東北出為門水也門水又東北歷陽華

之山即華陽今按此二字戴刪趙合即字改為注中注山海經所謂華陽

之山門水出焉者也又東北歷峽謂之鴻關水

水東有城即關亭也水西有堡謂之鴻關堡世亦

謂之劉項裂地處非也余按上洛有鴻臚園池是

水津渠沿注故謂斯川為鴻臚澗鴻關之名乃起

是矣

門水又東北歷邑川二水注之按二水諸本誤作燭水則下文為複出今

以先贈公本改○梓材按趙氏朱箋刊誤引全氏校語同又曰按二水即下左水右水也○今按戴趙並

改左水出于陽華之陰今按趙東北流逕盛牆亭西

東北流與右水合右水出陽華之陽今按趙東北流

逕盛牆亭東東北與左水合即山海經所謂緝姑之

水出于陽華之陰東北流注于門水者也沈炳異曰緝姑之緝

音藉今本乃譌為緒茹○今按戴趙並依改又東北燭水注之水有二源

左水南出于衙嶺世謂之石城山其水東北流逕石

城西東北合右水右水出石城山東北逕石城東東

北入左水地理志曰燭水出衙嶺下谷

開山圖曰衙山在函谷山西南

是水亂流東注于緝姑之水二水悉得通稱矣歷澗

東北出謂之開方口

水側有阜名今按戴之方伯堆宋奮武將軍魯方

平建武將軍薛安都等與建威將軍柳元景胡三省曰

魯或作魯然據南史北入軍次方伯堆者也堆上

有城即方平所築也

又東北逕邑川城南

即漢封竇門之故邑川受其名亦曰竇門城在函

谷關南七里

又東北田渠水注之水出衙山之白石谷東北流逕故邱亭東

是解安都軍所從城也

其水又逕鹿蹠山西

山石之上有鹿蹠自然成著非人功所刊

歷田渠川謂之田渠水西北流注于燭水燭水又北入門水

水之左右卽函谷山也

門水又北逕弘農縣故城東

城卽故函谷關校尉舊治處也終軍棄繻于此燕

丹孟嘗亦義動雞鳴於其下可謂深心有感志誠

難奪矣昔老子西入關尹喜望氣于此也故趙至

與嵇茂齊書曰李叟入秦及關而歎亦言與嵇叔

夜書及關尹望氣之所異說紛綸並未知所定矣

漢武帝元鼎四年

沈炳巽曰是三年

徙關于新安縣以故

關爲弘農縣弘農郡治王莽更名右隊劉桓公爲

郡虎相隨渡河光武聞而善之

其水側城北流而注于河

河水於此有涇津之名說者咸云漢武微行柏谷遇辱竇門又感其妻深識之饋旣返玉階厚賞賚

焉賜以河津令其鬻渡今寶津今按趙有者字是也故潘

岳西征賦云酬匹婦其已泰胡厥夫之謬官袁豹

之徒並以爲然余按河之南畔夾側水濱有津今按趙有涇

趙作涇謂之涇津河北縣有涇水今按趙有涇南入

于河河水故有涇津之名不從門始蓋事類名同

故作者疑今按趙作是之竹書穆天子傳曰天子自賓

輪乃次于涇水之陽丁亥入于南鄭考其沿厯所

踵今按趙作鍾路直斯津以是推之知非因門矣俗或

謂之偃鄉澗水也

河水又合左右二水今按此七字戴作又東左合一水其水二源疏

引俱導薄山南流會成一川

其二水之內世謂之閑原言虞芮所爭之田所未

詳矣

又南注于河河水右會谷水按諸本脫谷字趙一清

通河故知爲谷水也○今按河水右會谷水戴作河之右曹水注之水出南山北逕曹

陽亭西

陳涉遣周章入秦少府章邯斬之于此魏氏以爲

好陽晉書地道記曰亭在弘農縣東十三里

其水西北流入于河河水又東菑水注之水出常蒸

之山西北逕曲沃城南又屈逕其城西西北入河

諸注述者咸言曲沃在北此非也魏司徒崔浩以爲曲沃地名也余按春秋文公十三年晉侯使詹嘉守桃林之塞處此以備秦時以曲沃之官守之故曲沃之名遂爲積古之傳矣

河水又東得七里澗

澗在陝城今按趙無此字西七里故因名焉

谷今按戴水自南山通河亦謂之曹陽坑是以潘岳西征賦曰行于漫瀆之口憩于曹陽之墟袁豹崔浩亦不非其地矣

余按漢書昔獻帝東遷逼以寇難李傕郭汜追戰

于弘農澗按王世懋曰明一統志以弘農澗爲宋人避英宗諱改鴻臚澗英宗之諱何嘗

犯此二字即諸宗皆無此諱也及讀王得臣塵史云靈寶有澗曰鴻溜乃水經鴻臚圍池之沿注而

譌呼之恍然始悟鴻臚之爲澗本名而譌鴻溜又因譌爲弘農也避諱之說誠妄矣趙一清曰明志

固妄敬美所據塵史亦非也水經鴻臚圍池在上洛而弘農澗在陝相去幾四百餘里豈可合二水

爲一哉據范史則弘農固東澗西澗其名古矣不因鴻臚也又考顏師古高帝紀注言桃林縣南

有洪溜澗則其名亦古矣固非鴻臚亦天子遂露未必是弘農之譌或古今川瀆之別名

次曹陽楊奉董承外與傕和內引白波李樂等破傕乘輿于是得進復來戰奉等大敗兵相連綴四十餘里方得達陝以是推之似非曹陽然以山海經求之蓄曹字相類是或有曹陽之名也按善長疑曹陽

即菑陽然師古注陳涉傳云曹水出陝縣西南峴頭山北流入河今謂之好陽澗在陝縣西四十五里則菑水外別有曹水不如善長所云○趙本引全氏校語

河水東合譙水按括地志曰焦城因焦水為名在陝城東百步故焦國周同姓然則譙當作焦若山經焦又作焦水導源常烝之山俗謂之為○今按戴徑改作焦

千山蓋先後之異名也山在陝城南八十里其川今按趙有流二源雙導同注一壑而西北流注于河也二字

又東過陝縣北

橐水出橐山西北流又有干今按戴水出南山北谷

逕崖峽北流與干山之水會水出于山東谷兩川合

注于崖水又東北注橐水今按戴重北流出谷謂之

漫澗矣與安陽溪水合水出石滄南西逕安陽城南

漢武今按戴帝封上官桀為侯國按漢表以桀所陰乃秦縣而漢省入蕩陰者屬河內不屬弘農也趙一清曰善長引漢史年表最多誤○今按趙國下有字

東合漫澗水

水北有逆旅亭謂之漫口客舍也

又西逕陝縣故城南今按此八字改又合一水謂之

灃谷水南出近溪北流注橐其今按戴水又西北逕

陝城西西北入于河

河北對茅城故茅亭茅戎邑也公羊曰晉敗之大

陽者也津亦取名焉春秋文公三年秦伯伐晉自茅津濟封崤尸而還是也

東則咸陽澗水注之水出北虞山南至陝津注河

河南卽陝城也昔周召分伯以此城爲東西之別

東城卽虢邑之上陽也虢仲之所都爲南虢三虢

此其一焉按師古曰北虢在大陽東虢在滎陽西

旋知其非而易以北虢其大城中有小城故焦國也武王以

封神農之後于此王莽更名黃眉矣載延之云城

南倚山原北臨黃河懸水百餘仞臨之者咸悚惕

焉西北帶河水湧起方數十丈有物居水中父老

云銅翁仲所沒處又云石虎載經于此沈沒二物

並存水所以湧所未詳也或云翁仲頭髻常出水

之漲減恆與今按戴作以水齊晉軍當至髻不復出今

惟見水異耳嗟嗟有聲聲聞數里按秦始皇二十

六年長狄十二見於臨洮長五丈餘以爲善祥鑄

金人十二以象之各重二十四萬斤坐之宮門之

前謂之金狄皆銘其胸云皇帝二十六年初兼天

下以爲郡縣正法律同度量大人來見臨洮身今按

戴移下足長五丈足六尺李斯書也故衛恆敘篆

字於此戴移下足曰秦之李斯號爲工篆諸山碑及銅人銘皆斯書

也漢自阿房徙之未央宮前俗謂之翁仲矣地皇
二年王莽夢銅人泣惡之念銅人銘有皇帝初兼
天下文使尚方工鑄滅所夢銅人膺文後董卓毀
其九為錢其在者三魏明帝欲徙之洛陽重不可
勝至霸水西停之漢晉春秋曰或言金狄泣故留
之石虎取置鄴宮苻堅又徙之長安毀二為錢其
一未至而苻堅亂百姓推置陝北河中於是金狄
滅余以為鴻河巨瀆故應不為細梗躓湍長津碩
浪無宜以微物屯流斯水之所以濤波者蓋史記
云魏文侯二十六年號山崩壅河所致耳獻帝東

遷日夕潛渡墜阬爭舟舟指可掬亦是處矣

又東過大陽縣南

交澗水出吳山東南流入河河水又東路澗水亦出

吳山東逕大陽城西西南流注中澗水按中澗二水本脫文趙一

清據圖經補之○今按戴無注中澗水四字入于河河水又東逕大陽縣

故城南今按此十一字改經為注戴趙同

竹書紀年曰晉獻公十有九年獻公會虞師伐虢

滅下陽虢公醜奔衛按善長喜新每不引三傳而引竹書如晉滅下陽在僖二

年滅上陽在僖五年竹書合之為一謬也又虢公奔京師不奔衛不知善長何故竟不一審之獻

公命瑕父呂甥邑于虢都地理志曰北虢也按前

注中以爲南號今又以爲北號有天子廟王莽更
覈之則北號是也南號非也今按趙城在大河之

名勤田應劭地理風俗記曰無此字

陽也孫潛曰在或誤南○
今按此九字改水北出虞山

河水又東沙澗水注之經爲注戴趙同

東南逕傅巖歷傅說隱室前
俗名之爲聖人窟孔安國傳傅說隱于虞號之間

卽此處也

傅巖東北十餘里卽巔輪坂也春秋左傳所謂入自
巔輪者也有東西絕澗左右幽空窮深地壑中則築
以成道指南北之路謂之爲輪橋也

傳說傭隱止息於此高宗求夢得之是矣橋之東

北有虞原原上道東有虞城堯妻舜以嬪于虞者

也按嬪虞之城自在蒲坂不在大陽今因仲雍後
人之封而掃捨之其謬由于皇甫士安帝王世
紀而水經注續漢志注並仍之○梓材按趙本引
全氏校語云釐降媯汭在蒲坂道元明載二水于
前與虞何豫張冠周武王以封太伯後今按趙
李帶不亦慎乎作弟虞

仲于此是爲虞公晉太康地記所謂北虞也城東
有山世謂之五家冢冢上有虞公廟春秋穀梁傳

曰晉獻公將伐虢荀息曰君何不以屈產之乘垂
棘之璧假道於虞公曰此晉國之寶也曰是取中

府置外府也公從之及取虢滅虞乃牽馬操璧璧

則猶故馬齒長矣即宮之奇所謂虞虢其猶輔車

相依梓材按朱謀埠本所謂下有以字趙氏刊誤云全校衍○今按戴趙俱依芟唇亡

則齒寒虢亡虞亦亡矣其城北對長坂二十許里

謂之虞坂戴延之曰自上及下七山相重戰國策

曰昔騏驎駕鹽車上於虞坂遷延負轅而不能進

此蓋其困處也

橋之東北山溪中有小水西南今按趙注沙澗亂流有流字

遷大陽城東

河北郡治也按河北是魏所置郡大陽列于四縣之末不言治所是魏收之脫失也

沙澗水南流注于河河水又東南今按戴左合積石無此字

土柱二溪並北發大陽之山南流入于河

是山也亦通謂之薄山矣故穆天子之傳曰天子

自鹽已丑南登于薄山寘輪之陞乃宿于虞是也

又東過砥柱間

砥柱山名也昔禹治洪水山陵當水者鑿之故破山

以通河河水分流包山而過山見水中若柱然故曰

砥柱也三穿既決水流疏分指狀表目亦謂之三門

矣按趙冬曦曰砥柱山之六峰皆生河之中流夏后所鑿其最北有兩柱相對距崖而立即所謂三門

也都穆云砥柱在陝州東五十里黃河中循河至三

雷而鬼門尤為險惡舟筏一入鮮有得脫三門之廣

約二十丈其東百五十步即砥柱崇約三丈周數丈

蔡傳以三門為砥柱誤也山在號城東北太陽城東也

搜神記稱齊景公渡于江沈之河鼃銜左驂沒之

眾皆今按趙有驚字惕古冶子於是拔劍從之邪行五里

逆行三里至于砥柱之下乃鼃也左手持鼃頭右

手挾左驂燕躍鵠踴而出仰天大呼水為逆流三

百步觀者皆以為河伯也亦或作江沅字者若

因地而為名則宜在蜀及長沙按春秋此二土並

景公之所不至古冶子亦無因而騁其勇矣劉向

敘晏子春秋稱古冶子曰吾嘗濟于河鼃銜左驂

以入砥柱之流當是時也從而殺之視之乃鼃也

不言江沅矣又考史遷記云景公十二年公見晉

平公十八年復見晉昭公旌軒所指路直斯津從

鼃砥柱事或在茲又云觀者以為河伯賢於江沅

之證河伯本非江神又河可知也

河之右側今按趙作則嶠水注之今按此八字改經為注戴趙同水出河

南盤嶠山西北流

水上有梁俗謂之鴨橋也

歷澗東北流與石嶠水合水出石嶠山

山有二陵南陵夏后皋之墓也北陵文王所避風

雨矣言山徑委深峰阜交蔭故可以避風雨也秦

將襲鄭蹇叔致諫而公辭焉蹇叔哭子曰吾見其
出不見其入晉人禦師必于峭矣余收爾骨焉孟
明果覆秦師於此

峭水又北左合西水亂流注于河河水又東于峭之

水注焉今按此十字改經為注戴趙同水南導於于峭之山其水北

流纏絡二道

漢建安中曹公西討巴漢惡南路之險故更開北
道自後行旅率多從之今山側附路有石銘云晉
太康三年弘農太守梁柳修復舊道太峭以東西
峭以西明非一峭也西有二石又南五六今按戴無此字

十步臨溪有恬漠先生翼神碑蓋隱斯山也

其水北流注于河河水翼岸夾山巍峰峻今按趙舉作岐

羣山疊秀重嶺干霄鄭玄按地說河水東流貫砥柱

觸闕流今世所謂砥柱者蓋乃闕流也砥柱當在西

河未詳也余按鄭玄所說非是西河當無山以擬之

自砥柱以下五戶已今按趙上其間一無此字百二

十里河中今按趙作水竦石架出勢連襄陸蓋亦禹鑿以

通河疑此闕流也其山雖闕尚梗湍流激石雲洄澗

波怒溢合有一今按戴無此十九灘水流迅急勢同三峽

破害舟船自古所患漢鴻嘉四年楊焉言從河上下

患砥柱隘可鑄廣之上乃令焉鑄之裁沒水中不能

復去而令水益湍怒害甚平日林之奇曰禹治水為萬世慮使砥柱尚有

可鑄之理則禹鑄之矣禹所不能而焉欲鑄之何其不思之甚也

魏景初二年二月帝遣都督沙邱部監運諫議大

夫寇慈今按趙作茲而引帥工五千人歲常修治元和郡縣志辨之

以平河阻晉泰始三年正今按趙作五月武帝遣監運

大中大夫趙國都匠中郎將河東樂世帥眾五千

餘人修治河灘事見五戶祠銘雖世代加功水流

湍濟濤波尙屯及其商舟是次鮮不踟躕難濟故

有眾峽諸灘之言五戶灘名也有神祠通謂之五

戶將軍亦不知所以也

又東過平陰縣北按諸本又東過平陰縣下有又東至

氏朱箋刊誤引全氏校語云又東至鄧四字諸本錯入

清水條清水即是澹水並不至鄧至鄧者澹水也注于

北故鄧鄉合觀澹水篇注則更了然矣○今按戴趙俱

依此清水從西北來注之

清水出清廉山之西嶺世亦謂之清營山其水東南

流出峽

峽左有城蓋古關防也

清水歷其南東流逕皋落城北

服虔曰赤翟之都也世謂之倚亭城蓋讀聲近轉

今按趙作傳因失實也春秋左傳所謂晉侯使太子申生伐東山皋落氏者也

與倚亳川水合水出北山礦谷東南流注于清清水

又東逕清廉城南又東南流右會南溪水今按趙無此字

出南山而東注清水又東合乾棗澗水乾字諸本脫以初學記校

增○今按戴趙並依增水出石人嶺下石諸本誤左以初學記校改○今按戴趙並依

南流俗謂之扶蘇水又南歷奸苗北馬頭山亦曰

白水原西南逕垣縣故城北

史記魏武侯二年城安邑至垣即是縣也

其水西南流注清水

水色白濁初會清流按諸本有流注二字以宋本芟○今按戴趙並依芟乃

有玄素之異也

清水又東南逕陽壺城東梓材按朱謀埠本此下有城東即垣縣之壺七字趙

氏刊誤云七字重文寰宇記校衍據謝山下文按語亦云重文則此七字當芟無疑○今按戴亦依芟

即垣縣之壺邱亭按是間有重文晉遷宋五大夫所居也

清水又東南流注于河河水又東與教水合今按此八字改

經為注戴趙同 水出垣縣北教山南逕輔山高三十許里上

有泉源不測其深山頂周員五六里少草木山海經

曰孟門東南有平山水出于其上潛于其下又是王

屋之次疑即平山也按太平寰宇記引此文害水出垣曲縣界今本無之據記蓋出

也輔山其水南流歷鼓鍾上峽

懸洪五丈飛流注壑夾岸深高壁立直上輕崖秀
舉百有餘丈峰次青松巖懸赭石于中歷落有翠
柏生焉丹青綺分望若圖繡矣

水廣一今按戴無此字十許步南流歷鼓鍾川分爲二澗一

澗西北出一今按戴無此字百六十許里山岫迴阻纒通馬

步今聞喜縣東北谷口猶有乾河里故溝存焉今無

復有水一水歷冶官西

世人謂之鼓鍾城城之左右猶有遺銅及銅錢也

城西阜下有泉西流注澗與教水合伏入石下南

至下峽山海經曰鼓鍾之山帝臺之所以觴百神卽

是山也其水重源又發南至西馬頭山東截坡下又

伏流南十餘里復出又謂之伏流水南入于河山海

經曰教山教水出焉而今按趙作西流注于河是水冬乾

夏流實惟乾河也今世人猶謂之爲乾澗矣按楊慎

經又校水經而曰教水即峭水其舛謬可想也河水又與畛水合今按此七

注戴趙同水出新安縣青要山今謂之疆今按戴作山梓

按朱謀埠本此下有山海經曰河長澗水北流入山

于河十三字趙氏刊誤云孫潛校衍此十三字

海經曰青要之山畛水出焉北流入于河卽是水也

按今本有錯誤以山經原文改正之○今按北流入

于河句戴錯在疆山下而又加其水二字於句首趙

改依全河水又東正回之水入焉按陳仁錫本以此水二句為經誤也

出驪山疆山東阜也東流俗謂之疆川水與石瓜疇

川合水出西北石澗中東南流注于疆川水疆川水

又東逕彊冶鐵官東東北流注于河河水又東合庸

庸之水按山海經作瀟瀟○今按此九字改經為注載趙同水出河東垣縣宜

蘇山俗謂之長泉水山海經曰水多黃貝伊洛門也

其水北流分為二水一水北入河一水又東北流注

于河河水又東逕平陰縣北今按此九字改經為注載趙同

地理風俗記曰河南平陰縣故晉陰地陰戎之所

居按陰戎是陰地之戎杜預曰在河南山北自上洛以東至陸渾觀左傳蠻子奔晉陰地良是上

洛善長以為平陰非矣又曰在平城之南故曰平

陰也三老董公說高祖處陸機所謂皤皤董叟謨

我平陰者也魏文帝改曰河陰矣

河水西會溱水按西一作右○今按此六字改經為注載趙同水出垣縣王

屋山西今按趙作西山溱溪夾山東南流逕故城東

即溱關也漢光武建武二年遣司空王梁北守溱

關天井關擊赤眉別校皆降之獻帝自陝北渡安

邑東出溱關即是關也

溱水西屈逕關城南歷軹關南逕苗亭西

亭故周之苗邑也

又東流注于河經書清水非也是乃濳水耳今按戴本此下
移下卷東至于鄧四字經文又移洛陽西北
四十二里故鄧鄉矣十二字注文于卷末

水經注第四終

後學王梓材錄董沛重校

水經注第五

范陽酈道元注

鄞全祖望校

布政使銜浙江甯紹台兵備道無錫薛福臣校刊

河水五附濳水

河水又東過平陰縣北九字與上卷清水條復出當是
以注中有洛陽西北四十二里故鄧鄉諸語及濳水篇
注可參證也○梓材按趙氏朱箋刊誤引全氏校語○
今按戴趙亦又東至鄧水條清水並不至鄧
均刪此句而此則曰洛陽西北故鄧鄉于清水下並
而鄧所者湛水也故知為是處之文注于清水下並
志鄧所在而此則曰洛陽西北故鄧鄉于清水下並
云則又東至鄧水條清水並不至鄧
材按此自重校本錄入○今按趙本有矣○梓
水從北來注之蓋以平陰為衍文故刪陰字而移置於
也此

河水又東逕河陽縣故城南今按此十一字改經為注戴趙同

春秋經書天王狩于河陽王申公朝于王所晉侯執衛侯歸于京師春秋左傳僖公二十八年冬會于温執衛侯是會也晉侯召襄王以諸侯見且使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽温也班固漢書地理志司馬彪袁山松郡國志晉太康地道記十三州志河陽別縣非温邑也漢高帝六年封陳涓為侯國王莽之河亭也十三州志曰治河上河孟津河也郭緣生述征記曰踐土今治坂城是

名異春秋焉非也今按趙無此字今河北見者河陽城故

縣也在治坂西北蓋晉之温地故羣儒有温之論

矣魏土地記曰治坂城舊名漢祖渡城險固南臨

孟津河洛陽西北四十二里故鄧鄉矣今按洛陽以下十二

字戴在前卷之末又東至鄧下

河水右逕臨平亭北今按此八字改經為注戴趙同右趙作又

帝王世紀曰光武葬臨平亭南西望平陰者也

河水又東逕洛陽縣北今按此九字改經為注戴趙同

河之南岸有一碑北面題云洛陽北界津水二渚分屬之也梓材按宋謀璋本作水二渚分為之也趙氏刊誤云水上落津字据名勝志引

此文校增為全氏校改 屬○今按戴亦依改 上舊有河平侯祠祠前有

碑今不知所在郭頌世語曰晉文王之世大魚見

孟津長數百步高五丈頭在南岸尾在中渚河平

侯祠即斯祠也

河水又東逕平縣故城北 今按此十字改 經為注戴趙同

漢武帝元朔三年封濟北貞王子劉遂為侯國 沈炳

異曰漢表作濟北式王子此從史表小司馬曰二

王子同是元朔三年十月封因此誤也按史表貞

式王子莫可考也○此重校本 王莽之所謂治

平矣俗謂之小平也有高祖講武場河北側岸有

二城相對置北中郎府 鄭樵曰後魏靈后時以東 中郎將帶滎陽南中郎將

帶魯陽西中郎將帶弘農北中郎將帶河南 徒諸 後遂呼其地為北中見通鑑○此重校本

徒隸府戶并羽林虎賁領隊防之

河水南對首陽山

春秋所謂首戴也夷齊之歌所矣 今按戴 曰登彼

西山 宋本作夷齊之歌所以曰登彼西山 上有夷

齊之廟前有二碑並是後漢河南尹廣陵陳導洛

陽令徐循與處士平原蘇騰南陽何進等立事見

其碑 按續漢書五行志注引蔡邕熹平五年夷齊

字元成夢陟首陽有神馬之使在道明覺而思之

以夢陟狀上聞詔使登山升祠天尋雨是即善

長所云事具其碑也然是平陽非 又有周公廟魏

氏起立武觀於芒垂張景陽立武觀賦所謂高樓
特起疏峙岩堯直亭亭以孤立延千里之清飈也
朝廷又置冰室於斯阜室內有冰井春秋左傳曰
日在北陸而藏冰常以十二月採冰於河津之隘
峽石之阿北陰之中即邠詩二之日鑿冰冲冲矣
而內於井室所謂納於凌陰者也河南有鉤陳壘
世傳武王伐紂八百諸侯所會處尚書所謂不期
同時也紫微有鉤陳之宿主鬪訟兵陣故遁甲攻
取之法以所攻神與勾今按戴作鉤陳并氣下制所臨
之辰則決今按趙作祿禽敵是以壘資其名矣

河水至

一作由一作于斯有盟津之目

論衡曰武王伐紂升舟陽侯波起疾風疾

當作逆

戴趙依此

流武王操黃鉞而麾之風波畢除中流

白魚入於舟楫

今按戴作燔

以告天與八百諸侯咸同

此盟尚書所謂不謀同辭也故曰孟津亦曰盟津

尚書所謂東至于孟津者也

又曰富平津

晉陽秋曰杜預造河橋於富平津所謂造舟為梁也

又謂之曰

今按戴作為

陶河按陶一作淘

魏尚書僕射杜畿以帝將幸許試樓船覆於陶河
謂此也昔禹治洪水觀于河見白面長人魚身出
曰吾河精也授禹河圖而還于淵及子朝篡位與
敬王戰乃取周之寶玉沈河以祈福後二日津人
得之于河上將賣之則變而為石及敬王位定得
王者獻之復為玉也

河水又東沮水入焉今按此八字改經為注山海經

曰和山上無草木而多瑤碧實惟河之九都是山也

五曲九水出焉合而北注于河其陽多蒼今按趙王

吉神泰逢司之是今按趙本有好居二字于荇山之陽出入有

光按魏地形志曰武德郡温縣有沮水予謂善長尚
之未竊疑是乃沮梁之沮水而誤寫為沮蓋沮水正
流入河支流入濟適當温原之地善長偶有不照遂
以山經之言鶻突了之耳○梓材按趙本引全氏校
語又曰善長云無水以應川域改狀則不識沮水之
為誤文也○續漢志注以太山郡南城縣之東陽為
荇山○此重校本○今按尋全氏之說是經文作沮
水至酈注時已傳寫為沮善長不知其誤文故以山
經之言鶻突了之且云無水以應川域改狀也戴本
依全說改沮為沮而仍屬之
注文與全本同均所未安

呂氏春秋曰夏后氏孔甲田于東陽荇山遇大風
雨迷惑入于民室皇甫謐帝王世紀以為即東首
陽山也蓋是山之殊目矣今于首陽東山無水以
應之當是今古世懸川域改狀矣昔帝堯修壇河

洛擇良議沈率舜等升于首山而導

今按戴作遵

河渚

有五老遊焉相謂河圖將來告帝以期知我者重

瞳也五老乃翻為流星而昇于昂即于此也

又東沛水注焉

按經文言濟水自成臯入河注言濟水自温入河水道有變更也故于此

豫書濟之注河至成臯下則曰今濟水自温入河不于此也此特濟之故瀆耳其文了然一自鈔胥妄作割裂始以此注為經歷千年而莫之正也嘻○今按此六字改經為注戴趙同

又東過鞏縣北

河水于此有五社渡為五社津

按章懷後漢書注引此文曰五社津一名

土社津○此重校本

建武元年朱鮪遣持節使者賈彊討難將軍蘇茂

將三萬人從五社津渡攻温馮異遣校尉與寇恂

合擊之大敗追至河上生擒萬餘人投河而死者

數千人

縣北有山臨河謂之崆嶺

今按戴作原

邱其下有穴謂之

鞏穴言潛通淮浦北達于河直穴有渚謂之鮪渚成

公子安大河賦曰鱣鯉王鮪春暮

今按此二字趙乙

來遊

沈異曰今所見大河賦中無此句周禮春薦鮪然非時及佗處則無故

河自鮪穴已上又兼鮪稱呂氏春秋稱武王伐紂至

鮪水紂使膠鬲候周師即是處矣

今按趙作也

洛水從縣西北流注之

洛水于鞏縣東逕洛汭北對琅邪渚入于河謂之洛口矣自縣西來而北流注河清濁異流儼焉殊別

應場靈河賦曰資靈川之遐源出崑崙之神邱涉津洛之阪泉播九道于中州者也

又東過成臯縣北濟水從北來注之

河水自洛口又東左逕平臯縣南又東逕懷縣南齊水故道之所入與成臯分河河水右逕黃馬坂北按今

此八字改經為注戴趙同謂之黃馬關

孫登之去楊駿作書與洛中故人處也按晉書武帝崩楊駿輔政百官總已公室怨望天下憤然駿自知素無美望乃徵高士孫登遣以布被登截破于門大呼

曰斫斫刺刺旬日託疾詐死駿果敗死于馬廐劉曜攻金墉聞石勒至命成黃馬關此重校本

河水又東逕旋門坂北今按此九字改經為注戴趙同

今成臯西大坂者也升陟此坂而東趣成臯也曹大家東征賦曰望河洛之交流看成臯之旋門者也

河水又東逕成臯大伾山下今按此十一字改經為注戴趙同爾雅

曰山一成謂之伾許慎呂忱等並以爲邱一成也孔安國以爲再成曰伾亦或以爲地名非也尙書禹貢曰過洛汭至大伾者也鄭康成曰地喉也沆出伾際矣然則大伾今按戴無此四字在河內修武武德之界濟沆

之水與滎播澤出入自此然則大伾即是山矣伾北
即經所謂濟水從北來注之者也今濟水自温縣入
河不于此也所入者奉溝水耳即濟沆之故瀆矣

成臯縣之故城在伾上滎帶伾臯絕岸峻周高四

十許丈城張翕嶮崎而不平按孫汝澄曰括地志

張揖言在成臯者非也胡渭曰鄭康成之說張揖

祖之唯臣瓚以為修武武德無此山成臯之山並

非一成當是黎陽縣山而道元猶不之從從之自

孔疏始至薛常州以為臣瓚之說始于許慎則說

文無此語疑是徐氏說文繫傳春秋傳曰制巖邑

中說誤以為許也○此重校本也號叔死焉即東號也魯襄公二年七月晉成公

當作悼公與諸侯會于戚遂成虎牢以逼鄭求平也蓋

修故耳穆天子傳曰天子射鳥獵獸于鄭圃命虞

人掠林有虎在于葭中天子將至七萃之士高奔

戎生擒今按戴虎而獻之天子命之為柙畜之東

虞按虞漢志師古注作號當從之○梓材按趙本

引全氏曰按東虞漢志師古注作東號是也元

和志引此文作東隅○虎牢矣然則虎牢之名自

今按戴本依此徑改號

此始也秦以為關漢乃縣之城西北隅有小城周

三里北面列觀臨河茗茗今按戴孤上景明中言

之壽春路直茲邑昇眺清遠勢盡川陸羈途遊至

有傷深情

河水南對玉門今按此六字改

昔漢祖與滕公潛出濟于是處也門東對臨河側

岸有土穴魏攻北司州刺史毛德祖于虎牢戰經

二百日不剋城唯一井井深四十丈山勢峻峭不

容防捍潛作地道取井余頃因公至彼故往尋之

其穴處猶存按宋州郡志司州治虎牢少帝景平初設而魏地形志曰宋明帝于義陽復設為南司州則治虎牢者為北司州矣○此重校本

河水又東合汜水汜音似○今按此七字改經為注戴趙同水南出浮戲

山世謂之曰方山也北流合今按趙無此字車關水按車關水即濟水篇之東關水○今按戴

趙依此徑改東關下同出于嵩渚之山也今按此

水出嵩清之山泉發于層阜之上一源兩枝分流瀉注世謂

之石泉水也東流今按戴無此字為索水西注為車關今按此五

字戴作西為東關之水西北流楊蘭水注之水出非

趙作西注為東關水今按戴無此字車關水今按戴重東又西北

山西北流注于今按戴無此字車關水關水三字

清水入焉水自東浦西流與車關水合而亂流注于

汜汜水又北右合石城水水出石城山

其山複澗重嶺欹疊若城山頂泉流瀑布懸瀉下

有濫泉東流洩注邊有數十石畦畦有今按戴有數字野

蔬按邊有數十石畦之下有巖側石窟數口隱跡

存焉而不知誰所經始也

又東北流注于汜水汜水又今按趙作下北合鄭水按鄭

續志

漫作水西出婁山至冬則煖故世謂之溫泉東北流逕

田鄭谷謂之田鄭溪水東流注于汜水汜水又北逕

虎牢城東

漢破司馬欣曹咎于是水之上

汜水又北流注于河

征艱賦所謂步汜口之芳草弔周襄之鄙館者也

余按昔今按趙儒之論周襄所居在潁川襄城縣

是乃城名非為水呂原夫致謬之由俱以汜鄭為

名故也是為爽矣又按郭緣生述征記劉澄之永

初記並言高祖即帝位于是水之陽今不復知舊

壇所在盧諶崔雲亦言是矣余按高皇帝受天命

于定陶汜水不在此也于是求壇故無髣髴矣按

臯之汜水音凡師古曰今讀作祀襄城之汜水同

音定陶汜水音泛取其泛愛而潤下○又按杜征

南曰襄城之汜是南汜秦軍汜南之汜是東汜則

是二汜竟同音并襄城之汜亦可讀作祀矣然張

守節曰成臯之汜音祀水名襄城之汜音凡邑名

則非同音也樂史亦以南汜為汜水皆非○此重

本校

河水又南逕板城北今按此入字改有津謂之板城渚口

河水又東逕五龍塢北今按此九字改塢今按此字趙臨長河有五龍祠應劭云崑崙山

在長河下

卷五 河水五

廟在河南滎陽縣疑卽此祠所未詳

又東過滎陽縣北菑蕩今按趙作蕩下同渠出焉

大禹塞滎澤按以滎澤爲禹所塞善長之謬極矣開之以通淮泗卽經

所謂菑蕩渠也漢平帝之世河汴決壞未及得修汴

渠東侵日月彌廣門閼今按此二字趙作水門故處皆在水按今

趙作中漢明帝永平十二年議治汴今按戴作汴渠上乃

引樂浪人王景問理今按戴無此字水形便景陳利害應對

敏捷帝甚善之乃賜山海經河渠書禹貢圖及以錢

帛後作堤發卒數十萬詔景與將作謁者王昊治渠

今按趙無此二字築隄防修塌按後漢書及玉海皆作王昊御覽引此亦作吳

均依此徑改爲吳下同起自滎陽東至于乘海口

干有餘里景乃商度地勢鑿山開澗防遏衝要疏決

壅積十里一水門更相洄注無復潰今按戴趙作參漏之患

明年渠成帝親巡行詔濱河郡國置河隄員吏如西

京舊制景由是顯名王昊及諸從事者皆增秩一等

順帝陽嘉中又自汴口以東緣河積石爲堰通古渠

口今戴無古按口二字咸曰金隄靈帝建寧中又增修石門以

遏渠口水盛則通注津耗則輟流河水又東北逕卷

之扈亭北今按此十一字改經爲注戴趙同

春秋左傳曰文公七年晉趙盾與諸侯盟于扈竹

書紀年晉出公十二年沈炳異曰諸本誤作二十二年○今按戴趙並依改

十二河絕于扈卽于是今按趙也

河水又東逕八激隄北今按此九字改漢安帝永初

七年令謁者太山于岑于石門東積石八所皆如小

山以捍衝波謂之八激隄河水又東逕卷縣北今按此八

字改經爲注戴趙同

晉楚之戰晉軍爭濟舟中之指可掬楚莊祀河告

成而還卽是處也

河水又東北逕赤岸固北而東北注今按此十四字改經爲注戴趙

同惟注下趙有之字

又東北過武德縣東沁水從西北今按趙來注之

河水自武德縣按武德是沁水合濟入河之道今是注有脫文○梓材按重校本有此而

己抹之

漢獻帝延康元年封曹叡爲侯國卽魏明帝也

東至酸棗縣西濮水東出焉今按此十一字改經爲注戴趙同

漢興三十有九年孝文時河決酸棗東潰金隄大

發卒塞之故班固云文堙棗野武作瓠歌謂斷此

口也今無水

河水又東北通謂之延津今按此十字改經爲注戴趙同

石勒之禦劉曜孫潛曰禦或作襲○途出于此以今按戴趙竝作襲

河水泮為神靈之助號是處為靈昌津昔澹臺子羽齋千金之璧渡河陽侯波起兩蛟挾舟子羽曰吾可以義求不可以威劫操劍斬蛟蛟死波休乃投璧于河三投而輒躍出乃毀璧而去示無恚意趙建武中造浮橋于津上採石為中濟石無大小下輒流去用工百萬經年不就石虎親閱作工沈璧于河明日璧流渚上波蕩上岸遂斬匠而還

河水又逕東燕縣故城北則有濟水自北來注之按東燕晉縣故胡三省疑其非經豈知其連上二條皆注也○今按此十九字改經為注趙同戴刪下九字餘亦河水于是有棘津之名亦謂之石濟津按常山之濟水乃與

衡章相通注者本名石濟而應劭誤以四瀆之濟當三省亦誤以四瀆之濟當之以是知地學之難

故南津也春秋僖公二十一年晉將伐曹曹在縣

東沈炳異曰曹在衛東乃杜注也衛誤作縣且當改二十八八年○此重校本○今按戴趙徑

縣亦改衛假道于衛衛人不許還自南河濟按今

此字趙在即此也晉伐陸渾亦于此渡晉伐陸渾

臺之棘津濟乎恐又

河水于是亦有石濟之名今按此十字改經為注趙

以衍文刪之

宋元嘉中遣輔國將軍蕭斌率寧朔將軍王玄謨

北入宣威將軍垣護之以水軍守石濟卽此處也

河水又東淇水入焉又東逕遮害亭南今按此十五字改經爲注

戴趙同漢書溝洫志曰在淇水口東十八里有金隄隄

高一丈自淇口東地稍下隄稍高至遮害亭高四五

丈又有宿胥口舊河水北入處也河水又東右逕滑

臺城北今按此十字改經爲注戴趙同

城有三重中小城謂之滑臺城舊傳滑臺人自修

築此城因以名焉城卽故鄭廩延邑也下有延津

春秋傳曰孔悝爲蒯聵所逐載伯姬于平陽行于

延津是也趙一清曰左傳無延津之文廩延南故城卽衛之平

陽亭也今時人謂此津爲延壽津宋元嘉中右將

軍到彥之留建威將軍朱修之守此城魏軍南伐

修之執節不下其母悲憂一旦乳汁驚出母乃號

踊告家人曰我年老非有乳時今忽如此吾兒必

沒矣修之絕援果以其日陷浚城故東郡治續漢

書曰延熹九年沈炳巽曰是八年濟陰東郡濟北平原河

水清襄楷上疏曰春秋注記未有河清而今有之

易乾鑿度曰上天將降嘉應河水先清京房易傳

曰河水清天下平天垂異梓材按舊本作垂翼趙氏朱箋刊誤云翼全氏

校改異。今按戴亦依改地吐妖民厲疾今按戴三者並作而

有河清春秋麟不當見而見孔子書以為異河者
諸侯之相按宋本作象。今按戴依此改象。清者陽明之徵豈獨
諸侯有窺京師也明年宮車宴駕徵解瀆侯為後
嗣是為靈帝建寧四年二月河水又清也

又東北過黎陽縣南

黎侯國也詩式微黎侯寓于衛是也晉灼曰黎山
在其南河水逕其東其山上碑云縣取山之名取
水之陽以為名也王莽之魏丞也沈炳異曰漢志
按戴趙徑改黎蒸。今黎山之東北故城蓋黎陽縣之故城
也山在城西憑山為基東阻于河故劉楨黎陽

山賦曰南蔭黃河左覆金城青壇承祀高碑頌靈
昔慕容立明自鄴率眾南徙滑臺既無舟楫將保
黎陽昏而流澌冰合于夜中濟訖旦而冰泮燕民
謂是處為天橋津東岸有故城險帶長河戴延之
謂之遂明壘周二十里言遂明石勒十八騎中之
一城因名焉郭緣生曰城袁紹時築皆非也余按
竹書紀年梁惠成王十三年按竹書乃十一年也
○今按戴趙均依此
徑改十鄭釐侯使許息來致地平邱戶牖首垣諸
邑及鄭馳道我取枳道與鄭鹿鄭鹿今按戴趙
無此二字即
是城也今城內有故臺尚謂之鹿鳴臺又謂之鹿

鳴城王玄謨自滑臺走鹿鳴者也濟取名焉故亦曰鹿鳴津又曰白馬濟津之東南有白馬城衛文公東徙渡河都之故濟取名焉袁紹遣顏良攻東郡太守劉延于白馬關羽為曹公斬良以報效即此處也

白馬有韋鄉韋城故津亦有韋津之稱史記所謂下修武渡韋津者也按國策有境津張守節曰境當作延愚謂非也境津即韋津蓋以音近而通耳及考楊偉果云○此重校本河水舊于白馬縣南決通濮濟黃溝故蘇代說燕曰決白馬之口魏無黃濟陽竹書紀年梁惠成王十二年楚師決河水趙琦美曰舊本作楚師出河水

與竹書本文合○今按戴趙並依改出以水長垣之外者也金隄既建故渠水斷尚謂之白馬瀆故瀆東逕鹿鳴城南又東北逕白馬縣之涼城北

耆舊傳曰東郡白馬縣之神馬亭實中層峙南北二百步東西五十許步狀邱斬城也自外耕耘墾斫削落平盡正南有躔陞陟上按是句有誤文方軌是由西南側城有神馬寺樹木脩整西去白馬津可二十許里東南距白馬縣故城可五十里疑即開山圖之所謂白馬山也山下常有白馬羣行悲鳴則河決馳走則山崩注云山在鄭北故鄭也按此所字疑所

未詳劉澄之云有白馬塞孟達登之長歎可謂于川土疏妄矣亭土舊置涼城縣治此

白馬瀆又東南逕濮陽縣散入濮水所在決會更相通注以成往復也河水自津東北逕涼城縣今按此十字改

經為注戴趙同

河北有般祠孟氏記云祠在河中積石為基河水漲盛恆與水齊戴氏西征記曰今見祠在東岸臨河累石為壁其屋宇容身而已殊似無靈不如孟氏所記將恐言之過也

河水又東北逕伍子胥廟南今按此十一字改經為注戴趙同

祠在北岸頓邱郡界臨側長河廟前有碑魏青龍三年立

河水又東北為長壽津今按此九字改經為注戴趙同

述征記曰涼城到長壽津六十里

河之故瀆出焉六字是經混作注。趙氏朱箋刊誤引全氏校語。今按此六字趙作經戴仍注作

漢書溝洫志曰河之為中國害尤甚故導河自積石

歷龍門今按趙有醴字二渠以引河一則漯川今所流也一

則北瀆王莽時空一作塞故世俗名是瀆為王莽河也

故瀆東北逕戚城西今按此八字改經為注戴趙同

春秋哀公二年晉趙鞅率師納衛太子蒯聩于戚

宵迷陽虎曰右河而南必至焉今頓邱衛國縣頓按

邱郡衛縣增國字自後魏始故曰今西戚亭是也為衛之河上邑漢

高帝十二年封將軍李必為侯國矣按史表作李灌嬰傳中作

李。此重校本

故瀆又逕繁陽縣故城東今按此十字改經為注戴趙同

史記趙將廉頗伐魏取繁陽者也

北逕陰安縣故城西今按此八字改經為注戴趙同

漢武帝元朔五年封衛不疑為侯國

故瀆又東北逕樂昌縣故城東今按此十二字改經為注戴趙同

地理志東郡之屬縣也漢宣帝封王稚君為侯國

按王稚君者王武也本表曰汝南然地志汝南無樂昌善長是也。此重校本

故瀆又東北逕平邑郭西今按此十字改經為注戴趙同

竹書紀年晉烈公四年趙城平邑五年田公子居

思伐趙鄙今按此二字戴趙作邯鄲圍平邑十年齊田辟及邯

鄲韓舉戰于平邑邯鄲之師敗逋獲韓舉取平邑

新城按沈炳異曰朱謀埠考正此節似有誤其謂竹書作八年十一年十六年非也特四年當

作二年。今按戴依此徑改二年

又東北過元城縣西北而至沙邱堰施廷樞曰凡經文

故城者皆注也是條元城縣下或妄加故城字考宋本

果無之。今按此條全氏作經戴趙均改為注過作逕

元城縣下仍有故城二字王梓材傳寫本自改爲注失全本之真矣

史記曰魏武侯公子元食邑于此故縣氏焉朱謀

此出漢地志應郭東有五鹿墟墟之左右多陷城

公羊曰襲邑也說曰襲陷矣樂史曰杜氏謂衛有

即晉文公乞食處也是爲五鹿墟一郡國志曰五

在衛縣東則五鹿城矣。此重校本鹿墟故沙鹿有沙亭周穆王喪盛姬東征舍于五

鹿其女叔姪屆此思哭是日女姓之邱爲沙鹿之

異名也春秋左傳僖公十四年沙鹿崩晉史卜之

曰陰爲陽雄土火相乘故有沙鹿崩後六百四十

五年宜有聖女與其齊田乎後王翁孺自濟南徙

元城梓材按舊本作自齊徙元城趙氏朱箋刊誤

云齊全氏校改濟南二字。今按戴趙均依此徑改

正直其地日月當之王氏爲舜後土也漢

火也王禁生政君其母夢見月入懷年十八詔入

太子宮生成帝爲元后漢祚道汙四世稱制故曰

火土相乘而爲雄也及崩大夫楊雄作諫曰太陰

之精沙鹿之靈作合于漢配元生成者也按此乃

後歆豐輩附會符命獻帝建安中今按此句上袁

紹與曹操相禦于官渡紹孫潛曰禦或作襲紹逼大

司農鄭玄載病隨軍屆此而卒郡守已下受業者

衰經赴者千餘人玄注五經讖緯候歷天文經通

于世故范曄贊曰孔書遂明漢章中輟矣

縣北有沙邱堰也今按戴本無此下十一字以堰障水
降水九字趙無者尚書北過降水之故道也舊脫此
尚書以下十字濁漳篇中意以補之梓材按重校本
不屬予竊取濁漳篇中意以補之梓材按重校本
云按此句舊是脫文下云不遵其道日降是言降水
而善長濁漳水篇注中論降水日館陶北屯氏河其
故道與是明以沙邱堰一帶為降水故予竊取其意
補此一句○趙本于縣北句引全氏曰此下有
脫文當補尚書北過降水之故道也十字云不遵
其道日降亦曰潰堰障水也至于大陸北播為九河
按閣若璩日大陸九河一條經文上不與沙邱堰相
次下不與屯氏河相次殆有別及禹河故潰之文而
今失之黃儀日生平讀水經三十年獨于此未了然
愚謂二君蓋未審是條之本屬注中大陸九河之下
上文為降水今明見于上文注中而獨以二語列之經
為逆河今明見于下文注中而獨以二語列之經乎

且水經一百二十餘篇亦無直鈔禹貢成語者特善
長因沙邱堰之為屯氏河而別及禹河故潰以為緣
起今裂以爲經外矣然總由于降水一句脫佚所以
讀者失其纏絡而莫之悟○太平寰宇記大名縣引
此注云沙邱堰有費鄉今本亦無之○梓材按趙氏
朱箋刊誤引全氏校語云此節經文不與上下相比
屬所以熟于水經之學如閻百詩黃子鴻皆疑之多
所辭費而不知大陸九河之非經也水經于河濟江
淮渭洛河漾諸篇從無直鈔禹貢之例善長之注上
文已承沙邱堰而言之序及降水故釋之日不遵其
道日降亦日潰堰障水也而因接之以大禹所云堰
又接之以齊桓塞河自堰以故迹之多亡所云堰者
沙邱堰也善長蓋謂沙邱堰以故迹之多亡所云堰者
自齊桓塞河之後而堰以故迹之多亡所云堰者
氏諸河所由出也其文明白起堰而九河亡矣是屯
經以王莽河為禹河亦誤會也○今按此二句改經
為注戴風俗通曰河播也昔禹治洪水無此五字播
趙同

謂徒駭太史馬頰覆釜胡蘇簡潔句盤鬲津也同為

逆河鄭玄曰下尾合曰逆河言相迎今按趙受矣蓋

疏今按趙潤下之勢以通河海及齊桓霸世塞廣田

居同為一河按尚書中候云齊桓之霸過八流以自廣故自堰以北館陶

慶陶貝邱鬲般廣川信都東光河間樂成以東城地

並存川瀆多亡漢世河決金隄南北離其害議者常

欲求九河故迹而穿之未知其所是以班固云自茲

距漢北亡八枝者也

河之故瀆自沙邱堰南分屯氏河出焉今按此十五字戴改經為注

河水故瀆東北逕發于縣故城西又屈逕其城北今按

此十九字改經為注戴趙同

王莽之所謂戢楯矣漢武帝以大將軍衛青破右

賢王功封其子登為侯國

大河故瀆又東逕貝邱縣故城南今按此十三字改經為注戴趙同

應劭曰左氏傳齊襄公田于貝邱是也余按京相

璠杜預並言在博昌即司馬彪郡國志所謂貝中

聚者也應注于此事近違矣

大河故瀆又東逕甘陵縣故城南今按此十三字改經為注戴趙同

地理志之所謂厝也王莽改曰厝治者也漢安帝

父孝德皇以太子被廢為王薨于此乃葬其地尊

陵曰甘陵桓帝建和元年改曰甘陵縣亦取名焉

趙一清曰據續志清河國高帝置桓帝建和二年

改爲甘陵又云甘陵故厝安帝更名是安帝已改

厝縣爲甘陵桓帝則改清河國爲甘陵國也于

文當日尊陵曰甘陵縣亦取名焉桓帝建和二年

重校本○今按戴本悉依趙氏校語改增是周之

甘泉市地也○按市或改作市者誤也陵在瀆北邱

墳高巨雖中經發壞猶若層陵矣世謂之唐侯冢

城曰邑城皆非也昔南陽文叔良以建安中爲甘

陵丞夜宿水側趙人蘭襄夢求改葬叔良明循水

求棺果于水側得棺半許落水叔良顧親舊曰若

聞人傳此吾必以爲不然遂爲移殯齧而去之

大河故瀆又東逕艾亭城南又東逕平晉城南

今城中有浮圖五層上有金露盤題云趙建武八

年比釋道龍和上竺浮圖澄樹德勸化興立神廟

浮圖以壞按已以通或改以爲已可不必露盤尙

存煒煒有光明

大河故瀆又東北逕靈縣故城南

王莽之播亭也

河水于縣別出爲鳴犢河河水今按此二字故瀆又

東逕郟縣故城東

呂后四年以父嬰功封子祗龍爲侯國沈炳異曰

呂嬰卒子佗襲無龍字疑襲字之譌也又于文例當云以呂嬰功封其子佗方合。此重校本。今按戴趙依此王莽更名之曰善陸徑改作襲

大河故瀆又東逕平原縣故城西而北絕屯氏三瀆

北逕繹幕縣故城東北西流逕平原鬲縣故城西按今

此三十九字改經為注戴趙同三瀆趙作二瀆

地理志曰鬲津也王莽名之曰河平亭故有窮后

羿國也應劭曰鬲偃姓咎繇後先贈公曰有鬲氏當是夏之同姓應

氏以為偃姓者恐非若以光武建武十三年封建

義將軍朱祐今按戴作祐為侯國

大河故瀆又北逕修縣故城東又北逕安陵縣西按今

此十九字改經為注戴趙同

本修之安陵鄉也地理風俗記曰修縣東四十里

有安陵鄉故縣也

又東北至東光縣故城西而北與漳水合一水分大

河故瀆北出為屯氏河逕館陶縣東東北出今按此十八字

改經為注戴趙同

漢書溝洫志曰自塞宣防河復北決于館陶縣分

為屯氏河廣深與大河等成帝之世河決館陶及

東郡金隄上使河隄謁者王延世塞之二十日隄

成按漢志作三十六日。今按戴趙均依此徑改三十六隄上趙有河字詔以建始

五年為河平元年以延世為光祿大夫是水亦斷

屯氏故瀆水之又東北屯氏別河出焉屯氏別河故

瀆又東北逕信成縣張甲河出焉地理志今按趙有日字張

甲河今按趙有故瀆二字首受屯氏別河于信成縣者也張甲

河故瀆北絕清河于廣宗縣分為二瀆左瀆逕廣宗

縣故城西又北逕建始縣故城東

田融云按隋志燕太傅長史田融著趙書趙武帝十二年立建興

郡治廣宗置建始興德五縣隸焉趙一清曰石虎謚武帝但諸本

以為二十二年則誤石虎在位祇十五年

左瀆又北逕經城東繚城西又逕南宮縣西北注絳

瀆右瀆今按趙有又字東北逕廣宗縣故城南又東北逕界

城亭北又東北逕長樂郡武今按戴作棗疆縣故城東今按

此五十三字改經為注戴趙同

長樂故信都也晉太康五年改從今名按程大昌王應麟皆

疑經文不應用晉郡名而不

又東北逕廣川縣與屯氏河水故道合梓材按趙氏朱箋刊誤云

與下落屯氏河三字全校增○今按又東北逕廣川

縣故城西又東逕棘津亭南今按此一節改經為注戴趙同

徐廣曰棘津在廣川司馬彪曰縣北有棘津城呂

尙賣食之困疑在此也劉澄之云譙郡鄆縣東北

有棘津亭故邑也呂尚所困處也余按春秋左傳

伐巢克棘入州來無津字杜預春秋釋地杭世駿曰杜預

書名釋例所謂釋地特其中一種耳當作釋例子謂非也引班書者但云地理志引續書者或云郡

國志莫之非也然則引釋又言棘亭在鄆縣東北例而但云釋地庸何傷乎

亦不云有津字矣而竟不知澄之于何而得是說

然天下以棘為名者多未可咸謂之棘津也又春

秋昭公十四今按戴趙並作七年晉侯使荀吳帥師涉自

棘津用牲于洛遂滅陸渾杜預釋地闕而不書服

虔曰棘津猶孟津也徐廣晉紀又言石勒自葛陂

寇河北襲汲人向冰于枋頭濟自棘棘津在東郡

河內之間田融以為即石濟南津也雖千古茫昧

理世玄遠遺文逸句容或可尋沿途隱顯方土可

驗司馬遷云呂望東海上人也老而無遇以釣于

周文王又脫一云字。今按戴趙並依增呂望行年五十賣食棘

津七十則屠牛朝歌行年九十身為帝師皇甫士

安云欲隱東海之濱聞文王善養老故入釣于周

今汲水城亦言有呂望隱居處起自東海迄于鄆

雍緣其逕趣趙魏為密盾之譙宋事為疎矣按趙一清

曰續志劉昭不以廣川棘津為太公所釣地而引博物記言在瑯邪西海縣其說較善長為長蓋瑯

邪乃真東海也。此重校本

張甲故瀆又東北至修縣東會清河今按此十四字改經為注戴趙同

十三州志曰張甲河東北至修縣入清漳者也

屯氏別河又東枝津出焉東逕信成縣故城南又東

逕清陽縣故城南清河郡北今按此三十一字改經為注戴趙同

魏自清陽徙置也

又東北逕陵鄉南又東北逕東武城縣故城南又東

北逕東陽縣故城南今按此二十八字改經為注戴趙同

地理志曰王莽更之曰胥陵矣俗人謂之高黎郭

非也應劭曰東武城東北三十里有陽今按趙鄉作陵

故縣也

又東散絕無復津逕屯氏別河又東北逕清河郡南

又東北逕清河故城西今按此二十一字改經為注戴趙同

漢高祖六年封王吸為侯國地理風俗記曰甘陵

郡東南十七里有清河故城者世謂之鵲城也

又東北逕繹幕縣南分為二瀆屯氏別河北瀆東逕

繹幕縣故城南東絕大河故瀆又東北逕平原縣枝

津北出至安陵縣遂絕屯氏別河北瀆又東北逕重

平縣故城南今按此五十三字改經為注戴趙同

應劭曰重合縣西南八十里有重平鄉故縣也

又東北逕重合縣故城南又東北逕定縣故城南

漢武帝元朔四年封齊孝王子劉成今按戴作越為侯

國地理風俗記曰饒安縣東南三十里有定鄉城

故縣也

屯氏別河北瀆又東入陽信縣今無水又東為咸河

東北流逕陽信縣故城北今按此三十字改經為注戴趙同

地理志渤海之屬縣也

東注于海屯氏別河南瀆自平原東絕大河故瀆又

逕平原縣故城北今按趙有東北二字枝津右出東北至安德

縣界東會商河屯氏別河南瀆又東北于平原界又

有枝渠右出至安德縣遂絕屯氏別河南瀆自平原

城北首受大河故瀆東出亦通謂之篤馬河今按此八十九

字改經為注戴趙同即地理志所謂平原縣有篤馬河東北入

海行五百六十里者也東北逕安德縣故城西又東

北逕臨齊城南今按此十七字改經為注戴趙同

始東齊未賓今按此句下戴本注語有誤大魏築城以臨之故

城得其名也

又屈逕其城東故瀆

廣四十步

又東北逕重邱縣故城西今按此以上二十二字改經為注戴趙同

春秋襄公二十五年秋同盟今按戴趙有于字重邱伐齊

故也應劭曰安德縣北五十里有重邱鄉故縣也

又東北逕西平昌縣故城北今按此十一字改經為注戴趙同

北海有平昌縣故加西漢宣帝元康元年封王長

君為侯國沈炳巽曰漢表是地節四年善長蓋從褚表王長君者王無故也。此重校本

故渠川派東入般縣為般河蓋亦九河之一道也

後今按趙無此字漢書稱公孫瓚破黃巾于般河即此瀆

也

又東為白鹿淵水南北三百步東西千餘步深三丈餘其水冬清而夏濁渟而不流若夏水洪泛水深五

丈方乃通注般瀆今按趙有焉字又逕般縣故城北今按此七字改

經為注戴趙同

王莽更之曰分明也

東逕樂陵縣故城北今按此八字改經為注戴趙同

地理志曰故都尉治伏琛晏謨言平原邑今分為

郡

又東北逕陽信縣故城南東北入海屯氏河故瀆自

別河東逕甘陵之信鄉縣故城南今按此三十三字改經為注戴趙同

地理志曰順今按戴作安帝更名安平應劭曰甘陵西

北十七里有信鄉故縣也

屯氏故瀆又東逕甘陵縣故城北又東今按趙無此二字逕

靈縣北又東北逕鄆縣與鳴犢河故瀆合上承大河

故瀆于靈縣南今按此四十二字改經為注戴趙同地理志曰河水自

靈縣別出為鳴犢河也東北逕靈縣東東入鄆縣而

北合屯氏瀆今按此十六字改經為注戴趙同屯氏瀆兼鳴犢之稱

也又東逕鄆縣故城北東北合大河故瀆謂之今按趙有

靈字鳴犢口十三州志曰鳴犢河東北至修入屯氏考

瀆則不至也今按此五十字戴云原本亦訛作經

又東北右今按戴無此字過衛縣南又東北過濮陽縣北瓠子

河出焉

河水東逕鐵邱南今按此七字改經為注戴趙同

春秋左氏傳哀公二年鄭罕達帥師今按趙有救衛二字郵

無恤御簡子衛太子為右登鐵上望見鄭師今按趙作

衆衛太子自投車下即此處也京相璠曰鐵邱名

也杜預曰在戚南河之北岸有古今按此字趙作

戚邑也東城有子路冢河之南岸有竿城南誤作西以趙

琦美本校。今按戴趙均仍作西郡國志曰衛縣有竿城者也河

南有龍淵宮武帝元光中河決濮陽汜郡十六發

卒十萬人塞決河起龍淵宮蓋武帝起宮于決河

之傍龍淵之側故曰龍淵宮也

河水東北流而逕濮陽縣北為濮陽津今按此十五字改經為注

戴趙故城在南與衛縣分水城北十里有瓠河口有

金隄宣房堰

粵在漢世河決金隄涿郡王尊自益州刺史遷東

郡太守沈炳異曰尊自徐州遷東郡非益州也○今按戴依此經改徐河水盛溢

泛浸瓠子金隄決壞尊躬率民吏投沈白馬祈水

神河伯親執圭璧請身填隄廬居其上吏民今按此二字戴作

民吏皆走尊立不動而水波齊足而止公私壯

其勇節

河水又東北逕衛國縣南東為國口津按國一作郭亦作谷漢志

河內郡隆慮縣國水東北至信成入張甲河過郡三

行一千八百四十里凡漢志之水大較皆見于是書

唯東南二荒服或有遺者而國水獨不著是條所云

國口蓋即國水之口與胡渭以為今淇水之宿胥故

瀆一帶當是故國水也晉書謝玄將檀玄與符不

戰于谷口○梓材按趙本引黃氏曰郭口一作國口

全氏曰亦作谷口○河水又東逕鄆城縣北今按此

今按戴趙均作郭字改經為注戴趙同

故城在河南一今按戴十八里王莽之鄆良也沈

州舊治魏武創業始自于此河上之邑最為峻固

晉八王故事曰東海王越治鄆城城無故自壞七

十餘丈越惡之移治濮陽城南有魏使持節征西

將軍太尉方城侯鄧艾廟廟南有艾碑秦建元十

二年廣武將軍沈州刺史關內侯安定彭超立河
之南岸有新城宋寧朔將軍王玄謨前鋒入河所
築也北岸有新臺鴻基層廣高數丈衛宣公所築
新臺矣詩齊姜所賦也為盧關津臺東有小城崎
嶇頽側臺址枕河俗謂之邸今按趙作底閣城疑故關
津都尉治也所未詳矣

河水又東北逕范縣之秦亭西今按此十二字改經為注戴趙同

春秋經書築臺于秦者也

河水又東北逕委粟津今按此九字改經為注戴趙同

大河之北即東武陽縣也

左會浮水故瀆今按此六字改經為注戴同趙仍作經故瀆上承大河

于頓邱縣而北出東逕繁陽縣故城南應劭曰縣在

繁水之陽張晏曰縣有繁淵春秋襄公二十年經書

公與晉侯齊侯盟于澶淵杜預曰在頓邱縣南今名

繁淵澶淵即繁淵也亦謂之浮水焉昔魏徙大梁趙

以中牟易魏故志曰趙南至浮水繁陽即是瀆也按書

叙指南引注文曰有芻谿故瀆東絕大河故瀆東逕五鹿
之野今按此十四字改經為注戴趙同

晉文公受塊于野人即此處矣京相璠曰今衛縣
西北三十里有五鹿城按東漢至晉皆名衛縣不名衛國縣也東漢以衛縣

為衛國耳而國與縣未嘗連而稱之也拓跋始改名衛國縣善長注中所稱是也京相璠西晉人但應稱衛縣今本妄增國字○梓材按衛縣舊作衛國縣趙氏朱箋刊誤引全氏云經文及注所引京相璠土地名但當稱曰衛縣此是今屬頓邱縣後人妄加○今按戴趙並依剛

浮水故瀆又東南逕衛國邑今按此十一字改城北

故衛公國也漢光武以封周後也

又東逕衛國縣故城南

古樹觀今按此連上共十二應劭曰夏有觀扈即

此城也按韋昭曰畔觀即五觀也所謂太康之弟

之弟五人忠孝藹然豈可以為畔觀乎故以五觀

為畔觀可也謂即畔觀則非而河牧城之觀乃畔

觀必非樹觀也王應麟曰五子述大禹之戒豈朱

均管蔡比水經本章氏之說非也○梓材按趙引

全氏曰夏時有斟灌無斟觀得竹書紀年梁惠成

無以畔字之形近斟而誤乎

王二年齊田壽帥師伐趙圍觀觀降沈炳異曰據

我按衛于七國臣魏我字是今竹書作伐

○今按戴依此徑改伐我

浮水故瀆又東逕河牧城而東北出今按此十四字

同

郡國志曰衛故觀今按此二字戴趙國姚姓先宗

日觀尋皆夏之宗作本觀故三字有河牧城伯公

又東北入東武陽縣東入河今按此十一字改

又有漯水出焉今按此六字戴改

戴延之謂之武水也地理志曰今按自此句至隅雉

遺跡一百字舊本復

全水經注

卷五 河水五

見于漂水注之之下全刪下文
趙一清曰地志無出字蓋漂水上流本不
 渭謂漂自黎陽宿胥口首受河自周定王五年河徙
 從宿胥口東行漂川至長壽津始與漂別于是漂之
 故道為河浸矣然東武陽以下尚為漂渠成帝建始
 末河決館陶由東武陽絕漂水而至高唐矣及王莽
 時復決自是委粟津以西漂水故道又為河浸然則
 漂水之出于東武陽再出于高唐據成帝後言之也
 應劭云漂始出東武陽○此重校本下同○按閩若
 璩曰漂者河之支流出東武陽縣至千乘入海然漢
 志高唐縣之漂水其言殊不可曉漂水何嘗有二乎
 特再出耳○今按今漂水上承河水于武陽縣東南
 戴作東武陽今按今漂水上承河水于武陽縣東南
 西今按趙北逕武陽新城東

曹操為東郡所治也引水自東門石竇北注于堂
 池池南故基尚存中今按戴無此字城內又立今按此二字戴作有

字一石今按趙本甚大城西門名冰井門門內曲

中冰井猶存門外有故臺號武陽臺匝臺亦有隅
 雉遺迹

河水又東逕武陽縣東范縣西而東北流也今按此十七字
改經為注戴趙同

又東北過東阿縣北
 河水于范縣東北流為倉亭津今按此十二字改經為注戴趙同

述征記曰倉亭津在范縣界去東阿六十里魏土
 地記曰津在武陽縣東北七十里津河濟名也

河水右今按此字趙歷柯澤今按此句改經為注戴趙同

春秋左傳襄公十四年衛孫文子敗公徒于柯澤

者也按朱謀埠曰今左傳作阿澤杜注東阿西南有大澤○此重校本

逕今按逕上戴加東阿縣故城西而東北出流注今按

此二句改經為注戴趙同鄧里渠今按戴趙均無此三字河水枝津東出謂

之鄧里渠也

又東北過荏平縣西

河自鄧里渠東北逕昌鄉亭北又東北逕碭礮城西

今按此二十字改經為注戴趙同

述征記曰礮今按戴礮津名也自黃河泛舟而渡

者皆為津也其城臨水西南崩于河宋元嘉七年

到彥之北入拔之後失至按以上十二字從通典所引校得之○今按此

十二字戴本無之趙依增二十七年以王玄謨為寧朔將軍前

鋒入河平礮礮守之都督劉義恭以沙城不堪守

召玄謨令毀城而還後更城之魏立濟州治此也

按玉海引此作魏置鎮守名濟州關○此重校本河水衝其西南隅又崩

于河即故在平縣也應劭曰荏山名也縣在山之

平地今按趙作陸故曰荏平也王莽之功崇矣經曰大

河在其西鄧里渠歷其東按此乃約舉瓠子河篇經文即斯邑

也昔石勒之隸師懽屯耕于荏平聞鼓角鞞鐸之

聲于是縣也按十六國春秋云勒年二十餘賣與荏平人師懽為奴每屯耕于野常聞

韓鐸音○此重校本西與聊城分河

河水又今按戴本有東北二字與鄧里渠合水上承大河于東

阿縣西東逕東阿縣故城北今按此一節改經為注戴趙同

故衛邑也應仲瑗曰有西故稱東魏封曹植為侯

國朱謀埠曰曹植自雍邱徙王東阿非侯國也○今按戴徑改王國大城北門內

西側阜上有大井其巨若輪深六七丈歲嘗煮膠

以貢天府本草所謂阿膠也故世俗有阿井之名

縣出佳繒縑故史記云秦昭王服太阿之劍阿縞

之衣也

又東北逕臨邑縣與將渠合又北逕荏平縣東臨邑

縣故城西北流入于河河水又東北流逕四瀆津今按此

此三十九字改經為注戴趙同

津西側岸臨河有四瀆祠東對四瀆口

河水東分濟亦曰洌水受河也然滎口石門今按此

在水斷下水斷不通始自是出東北流逕九里與清水合

故洌瀆也自河入洌自洌入淮自淮達江水徑周通

故有四瀆之名也

昔趙殺鳴犢按鳴犢國語作鳴鐸仲尼臨河而歎自是而返

曰邱之不濟命也夫琴操以為孔子臨狄水而歌

今按戴有矣字下云作日云狄水衍兮風揚波船楫顛倒更相

加余案臨濟故狄也是濟所逕得其通稱也按朱

濟水至四瀆津口又東分一支以過臨濟而為狄水此齊地在今濟鄆之間孔子自衛之晉其道不能出此此不可曉者于欽曰按漢陳留郡平邱縣有臨濟亭故狄也蓋濟水北注巨野之故瀆夫子之所歌在此地也其自四瀆津後出者乃齊之清河即漢于乘之狄縣而安帝更名臨濟者也文公蓋疑于此云趙一清曰即章邯殺田儋處平邱之西為封邱有狄溝即狄水也。此重校本。今按趙無句末也字

河水又逕楊墟今按趙縣之故城東

俗猶謂是城曰陽城矣

河水又逕荏平城東

城內有故臺世謂之時平城非也蓋荏時音相近

耳疑縣徙也

竟陵本無此四字。此重校本。今按此四字戴移在城內上趙刪之

又東北過高唐縣界

今按戴趙本界均作東且以此句為經全氏作注者以下文經

有此句則此

河水于縣潔水注之

按何焯曰以此二句為經是亦因不

為重複也。知經注之瀾而更益其誤者。按此下舊有地理志曰潔水出東郡至隅雉遺迹一百字是東武陽縣下注文之復出者今從朱謀埠本芟水自城東北逕東武陽縣城南應

劭曰縣在武水之陽

王莽之武昌也

然則潔水亦或武水矣

臧洪為東郡太守治此曹操圍張超于雍邱洪以情義請袁紹救之不許洪與紹絕紹圍洪城中無

食洪呼吏士曰洪于大義不得不死諸君無事空受此禍衆泣曰何忍捨明府也男女八千餘人相枕而死洪不屈紹殺洪邑人陳容爲丞謂曰寧與臧洪同日死不與將軍同日生紹又殺之士爲傷歎今城四周紹圍郭尙存

水市隍塹于城東北合爲一瀆東北出郭逕陽平縣之岡成城西

郡國志曰陽平縣有岡成亭

又北逕陽平縣故城東

漢昭帝元平元年封丞相蔡義爲侯國

潔水又北絕莘道城之西

北有莘亭春秋桓公十六年衛宣公使伋使諸齊

令盜待于莘伋壽繼殞于此亭京相璠曰今平原

陽平縣北一今按戴無此字十里有故莘亭今按趙有道字阨限

蹊要自衛適齊之道也望新臺于河上感二子于

宿齡詩人乘舟誠可悲矣今縣東有二子廟猶謂

之爲今按趙無此字孝祠矣

潔水又東北逕樂平縣故城東

縣故清也漢高帝八年封空中于清按沈炳異曰漢表作空中同徐廣云一作室中索隱云室中姓也史表作空中脫同字而朱謀埠本從之。此重校本。今按

戴依此徑宣帝封許廣漢少弟翁孫于樂平按諸
改室中同表作樂平班表作樂成屬平氏與禘先生
表異則非平原之清也此重校本並為侯國王
莽之清治矣漢章帝建初中更從今名也

漯水又北逕聊城縣故城西

城內有金城周市有水南門有馳道絕水南出自
外泛舟而行矣東門側有層臺秀出雲表魯仲連

所謂還高唐之兵卻聊城之衆者也按太平寰宇

引水經武水東流從石往北今本無之石柱
後魏孝文所立以為鄴東之表此重校本

漯水又東北逕清河縣故城北今按此十二字改
經為注戴趙同

地理風俗記曰甘陵故清河清河在南一今按戴
無此字

十七里今于甘陵縣故城東南無城以擬之直東

二十里有艾亭城東南四十里有此城疑即清河

城也後蠻居之故世稱蠻城也

漯水又東北逕文鄉城東南又東北逕博平縣今按

八字改經為故城南此十

城內今按趙無有層臺秀上王莽改之曰加睦也

右與黃溝同注川澤今按此八字改黃溝承聊城郭

水水泛則津注水耗則輟流自城東北出逕清河城

南又東北逕攝城北

春秋所謂聊攝以東也俗稱郭城非也城東西三

里南北二里東西隅有金城城卑下墟郭尚存左

右多墳壘京相璠曰聊城縣東北三十里有故攝

城今此城西去聊城二十五六里許即攝城者也

又東逕文鄉城北又東南逕王城北今按此十四字改經為注戴趙

同

魏太常七年安平王鎮平原所築世謂之王城太

和二十三年罷鎮立平原郡治此城也按魏地形志所謂太

平鎮者也但據志則郡以太和十一年分屬濟州

非二十三年置也蓋罷鎮在是年而平原之為郡

則固久矣黃溝又東北逕按逕或曰當作迤否則或有脫左與

文。今按戴作流趙依此作迤

漯水隱覆勢鎮河陸東出于高唐縣大河右迤東注

漯水矣今按此三十一字改經為注戴趙同桑欽地理志曰漯水出高

唐桑欽地理志不見簿錄此文今載漢書地理志注

全氏校語。今按趙本依此徑改地理志桑欽曰余按竹書穆天子傳稱丁

卯天子自五鹿東征釣于漯水之上尋其沿歷逕趣

不得近出高唐也桑氏所言蓋津流所今按趙無此字出次

于是今按趙作所間也俗以是水上承于河亦謂之源河

矣漯水又東北逕援縣故城西今按此十一字改經為注戴趙同

王莽之東順亭也杜預釋地曰濟南祝阿縣西北

有援城

漯水又東北今按趙無此二字逕高唐縣故城東今按此十

為注戴趙同

昔齊威王使盼子守高唐趙人不敢漁于河即魯

仲連子謂田巴曰今楚軍南陽趙伐高唐者也春

秋左傳哀公十年趙鞅帥師伐齊取黎今按戴作

及轅毀高唐之郭杜預曰轅即援也祝阿縣西北

有高唐城

漯水又東北逕漯陰縣故城北今按此十二字改

縣故黎邑也漢武帝元光三年封匈奴降王昆邪

為侯國按諸本脫此五字以漢表補王莽更名翼

成歷北漯陰城南伏琛謂之漯陽城南有魏沈州

刺史劉岱碑地理風俗記曰平原漯陰縣今巨漯

亭是也

漯水又東北逕著縣故城南又東北逕崔氏城北今

此十九字改經為注戴趙同

春秋左傳襄公二十七年崔成請老于崔者也杜

預釋地曰濟南東朝陽縣西北有崔氏城

漯水又今按趙無此字東北逕東朝陽縣故城南今按此十

為注戴趙同

漢高帝六年沈炳異曰據本表是七年封都尉華

今按戴寄為侯國按索隱地理風俗記曰南陽有

朝陽縣故加東地理志曰王莽之修治也

漯水又東逕漢徵君伏生墓南今按此十二字改

碑碣尚存以明經為秦博士秦坑儒士伏生隱焉

漢興教于齊魯之間撰五經尚書大傳文帝安車

徵之年老不行乃使掌故歐陽生等受尚書于徵

君號曰伏生者也

漯水又東逕鄒平縣故城北今按此十一字改

古鄒侯國舜後姚姓也

又東北逕東鄒城北今按此八字改

地理志曰今按戴無此字千乘郡有東鄒縣

漯水又東北逕建信縣故城北今按此十二字改

漢高帝七年封婁敬為侯國按婁敬以關內侯號

非封國也故史漢表俱不列敬封爵而地志亦不

稱建信為封國沈炳翼曰漢制列侯曰侯其賜關

內侯者曰君廣野君平原君稷嗣君之類是也孔

褒以關內侯號褒成君則敬之建信亦當曰君其

稱侯殆誤文也愚謂沈氏之辨篤矣然應劭已載

有建信侯城之名則又何也考漢家關內侯之制

不得稱國而未嘗不有食邑蓋敬應劭曰臨沛縣

西北五十里有建信侯今按戴無此字城都尉治故城者

也

漯水又東北逕千乘縣二城間今按此十二字改

經為注戴趙同

河水五

漢高帝六年以為千乘郡王莽之建信也章帝建初四年為王國和帝永元七年改為樂安郡故齊地

伏琛曰千乘城在齊城西北一今按戴無此字百五十里梓

按趙氏朱箋刊誤云千乘城下全隔會水即漯水之

別名也又東北為馬常坑今按此七字改經為注戴趙同坑東西八

十里南北三十里亂河枝流入于海河海之饒茲

焉為最地理風俗記曰漯水東北至于千乘入海河盛

則通津委海水耗則微涓絕流書浮于濟漯亦是水

者也

又東北過陽虛縣東商河出焉按胡渭曰商河在大河

以經文先序漯水後序商河為不比當改次之四濱津下。胡說亦非。此重校本

地理志楊虛平原之隸縣也按今漢志但有樓虛

詭當以水經注證之然功臣表元帝封樓虛侯嘗

順則亦可疑是西京似原有楊虛樓虛二縣而其

後省并楊虛故班志無之但東京似又復置故世

祖封馬武為侯國而明章以後又省故續志亦無

之水經作者蓋在明章未省之時與天水隆慮同

一例也但善長所引地志不知是何人之志注中

可疑者亦不漢景帝四年以封齊悼惠王子將廬

今按戴為侯國也沈炳異曰本表是文帝四年城

在高唐城之西南經次于此是不比也

商河首受河水亦漯水及澤水所潭也淵而不流世

謂之清水自此雖沙漲填塞厥迹尙存歷澤而北俗謂之落里坑逕張公城西又北重源潛發按諸本復出落里坑

句今芟之。今亦曰小漳河商漳聲相近故字與讀

按戴趙並依刪移耳元和郡志曰漢鴻嘉四年河隄移耳都尉許商鑿此河故以商名商河又北逕平

原縣東又逕安德縣故城南又東北逕平昌縣故城

南又東逕般縣故城南又東逕樂陵縣故城南今按此十四字改經

為注戴趙同

漢宣帝地節四年封侍中史子長為侯國按史子長史高也

商河又東逕枋鄉今按戴縣故城南無此字今按此句改經為注戴趙同

高后八年封齊悼惠王子劉辟光為侯國今按趙有也字

王莽更之曰張鄉今按趙有也字應劭曰般縣東南六十

里有枋鄉城故縣也沈炳巽曰漢志平原郡枋縣無鄉字今本作枋鄉誤也又枋

侯是文帝四年封。此重校本沙溝水注之今按此五字改水南出大河之陽泉源

之不合河者二百步其水北流注商河商河又東北

流逕馬嶺城西北今按趙有南流二字屈而東注南轉逕城東

今按此二十一字改經為注戴趙同

城在河曲之中東海王越斬汲桑于是城按此語出晉書

然其實是并州乞活之田甄田蘭所斬非越也

商河又東北逕富平縣故城北

今按此十二字改經為注戴趙同

地理志曰侯國也王莽曰樂安亭應劭曰明帝更名厭次闕駟曰厭次縣本富平侯車騎將軍張安世之封邑非也按漢書昭帝元鳳六年封右將軍張世安為富平侯薨子延壽嗣國在陳留別邑在魏郡陳留風俗傳曰陳留尉氏縣安陵鄉故富平縣也是乃安世所食矣歲入租千餘萬延壽自以身無功德何堪久居先人大國上書請減戶天子以為有讓徙封平原并食一邑戶口如故而稅減半十三州志曰明帝永平五年改曰厭次矣按史

記高祖功臣侯者年表高帝六年封元頃為侯國

徐廣音義曰漢書作爰類十字注中注。梓材按趙本引全氏校語如此

重校本云是知厭次舊名非始明帝蓋復故耳十字小注

西有東方朔冢冢側有祠祠有神驗水側有雲城

漢武帝元封四年封齊孝王子劉信為侯國也沈炳

巽日本表是元朔四年

商河又分為二水南水謂之長藜溝今按此十四字改經為注戴趙

同東流傾注于海溝南海側有蒲臺高八丈方二百

步

三齊略記曰鬲城東南有蒲臺秦始皇東遊海上

于臺下蟠蒲繫馬至今每歲蒲生縈委若有繫狀似水楊可以為箭今東去海三十里按是溝疑即續漢志注所

云蓋節淵者也

北水世又謂之白薄瀆按太平寰宇記作百薄。今按此九字改經為注戴趙同

白薄亦依此徑改作百薄東北流注于海水矣

河水又東北過高唐縣東按此條經文舊本脫失幸其載之本注中得以揭而補之

○今按此條經文戴趙均無

大河又東北逕高唐縣故城西今按此十二字改經為注戴趙同

春秋左傳襄公十九年齊靈公廢太子光而立公子牙以夙沙衛為少傅齊侯卒崔杼逆光光立殺

公子牙于句瀆之邱衛奔高唐以叛京相璠曰本平原縣也齊之西鄙也

大河逕其西而不出其東經言出東誤耳大河又北

逕張公城臨側河湄今按此十二字改經為注戴趙同

魏青州刺史張趙一清曰魏書張彝傳曾祖辛祖準之再世為青州刺史治此

故世謂之張公城水有津焉張守節曰此即平原津也始皇至是而病

○此重校本名之曰張公渡

河水又北逕平原縣故城東今按此十一字改經為注戴趙同

地理風俗記曰原博平也故曰平原矣縣故平原郡治矣漢高帝六里置王莽改曰河平也

晉灼曰高唐平原也今按戴趙均無此五字齊西有平原河水

東北過高唐縣今按戴趙無此字而有高唐二字即平原也故經言

河水逕高唐縣東非也案地理志曰高唐漯水所出

平原則篤馬河導焉明平原非高唐大河不得出其

東審矣按諸本以高唐平原也錯簡作地志語今以漢書原注校改大河右溢世

謂之甘棗溝今按此十字改經為注戴趙同

水側多棗故俗取名焉

河盛則委泛水耗則輟流故瀆今按戴作溝又東北歷長

隄逕漯陰縣北今按此十三字改經為注戴趙同東逕著城北東為

陂淀淵潭相接世謂之穢野薄河水又東北逕陽阿

今按戴縣故城西經為注戴趙同

漢高帝六年封郎中萬訢為侯國趙一清曰陽阿

原應劭所謂漯陰縣東南者也若陽阿則屬上黨

志以為侯國乃齊其石所封也非萬訢善長不知

何據而沁水篇陽阿縣亦復引此文但以萬訢為

卡訢事兩隸而皆誤沈炳異曰萬訢皆不足憑

也而河沁再見應劭曰漯陰縣東南五十里有陽

則錯簡之覆出阿鄉故縣也

又東北過漯陽縣北朱本以後陽皆作陰誤文也○今按戴趙並依改

河水自平原左逕安德城東而北為鹿角津東北逕

般縣樂陵柵鄉至厭次縣故城南為厭次河今按此

字改經為注戴趙同

河水五

五

漢安帝永初二年劇賊畢豪等數百乘船寇平原

縣令劉雄門下小吏所輔浮舟追至厭次津與賊

合戰並為賊擒輔今按戴無此字求代雄豪縱雄于此津

所今按趙無此字輔可謂孝盡愛敬義極君臣矣

河水又逕潔陰縣故城北一作右逕○今按戴趙均作右逕又按此十字改經

為注戴趙同

王莽之巨今按趙作臣武縣也按今本漢志作潔陰莽曰翼成蓋脫去此縣也

○此重校本

河水又東北為潔沃津今按此九字改經為注戴趙同在潔沃縣故城南

王莽之延亭者也地理風俗記曰千乘縣西北五

十里有大河河北有潔沃城故縣也魏改為後部

亭今俗遂名之曰右輔城

河水又東逕千乘今按趙有縣故二字城北今按此九字改經為注戴趙同

伏琛之所謂千乘北城者也

又東北過利縣北又東北過甲下邑濟水從西來注之

又東北入于海

河水又東分為二水枝津東逕甲下城南東南歷馬

常坑注濟今按此二十四字改經為注戴趙同經言濟水注河非也河

水自伎津東北流逕甲下邑北

世謂之倉子城

按今本以非也二字錯簡置于此下○今按戴趙並依此刪移

又東北流入于海淮南子曰九折注為海而流不絕者崑崙之輪也尚書禹貢曰夾右碣石入于河山海經曰碣石之山繩水出焉東流注于河河之入海舊在碣石今川流所導非禹瀆也周定王五年河徙故瀆故班固曰商竭周移也又以漢武帝元光二年河又徙東郡更注渤海是以漢司空掾王璜言曰往昔均作者天嘗連今按戴趙均有雨東二字北風海水溢西南出按孫潛本作張折侵數百里故張君云碣石在海中按孫潛本作張折戴從之作折蓋淪于海水也昔燕齊遼曠分置營州今城

屆海濱海水北侵城垂淪者半王璜之言信而有徵碣石入海非無證矣

水經注第五終

後學王梓材錄董沛重校

